

曝書亭集

五

928

八

5



曝書亭集卷第十三

秀水 朱彝尊 錫鬯

古今詩

十二

柔兆攝提格

驄馬行送任御史 珙 視齶長蘆

春明門東驄馬嘶奚官新鑿碧玉蹄紫茸鞞鞞錦障泥使者
衣繡行長隄寒花露草煙萋萋千樹萬樹楊柳低津門此去
三百里來朝定指西沽西長蘆鹽筴通青齊君今乘驄按左
海章綬不殊還會稽我歌驄馬行君騎驄馬去明年策馬來
春明應記今朝送行處

送顧進士 永年 南歸

曲江游燕罷轉眼一年春此日書驢券仍同下第人



贈魏

世微

每憶金精天外峰，易堂書卷閱春冬。竹林舊侶嗟零落，喜見青雲阮仲容。

送周二之海陽

簷花對酒五蟾蜍，此去郵籤萬里餘。湖水東西仙令宅，帆檣來往海人墟。炎洲雨過香蕉子，夜枕潮迴徙鱷魚。後會竹林期莫定，相思天末意何如。

送劉郎中守思南

劉郎別我玉河灣，笑綰銅符領百蠻。千騎上頭殊不惡，峒花犵鳥滿溪山。

紫藤花下作

首夏花信終，月閏又開朔。濕雲來遠岑，密雨溜斜桷。周簣

雖遠登覽興，且喜氛垢濯。簣尊軸簾納餘清，叩戶鈔重較。簣甌香碾新團滴，古濡散卓簣尊。虛齋愴無事，晚霽意蕭邈。簣高羅何年植，老榦惜崩剝。簣尊杪春發新條，青翠纔一搦。簣有如荔含苞，又若烏破殼。簣尊籠陰忽蓋瓦，落格漸成幄。簣五髻瓔珞垂，羣玉玲瓏琢。簣尊榮悴迭後先，土膏異豐确。簣幽賞人未齊，暖游蜂已覺。簣尊將尋條鈴護，毋使雀豹啄。簣寫生畫史爲配饌，食經學簣尊。故鄉南湖南，風景別燕涿。簣濃陰壓兩岸虺，蔓埽船角簣尊。鷗鳧雜坐臥，鰕蜺恣撈捉。簣何爲久滯淫來往，味鳩鷺簣尊。酒罷花亦殘，擁衾歸夢數。簣

送張翯宰淄川

般陽城下記曾過，負郭分流左阜河。相送履鳧仙令去，恣聽驂篠短童歌。簾衣晝靜花應滿，書帶春來草最多。暇坐西堂

贈魏世儼

每憶金精天外峰，易堂書卷閱春冬。竹林舊侶嗟零落，喜見青雲阮仲容。

送周二之海陽

簷花對酒五蟾蜍，此去郵籤萬里餘。湖水東西仙令宅，帆檣來往海人墟。炎洲雨過香蕉子，夜枕潮迴徙鱷魚。後會竹林期莫定，相思天末意何如。

送劉郎中守思南

劉郎別我玉河灣，笑綰銅符領百蠻。千騎上頭殊不惡，峒花犵鳥滿溪山。

紫藤花下作

首夏花信終，月閏又開朝。舜尊濕雲來遠岑，密雨溜斜桷。周篔

雖違登覽興，且喜氛垢濯。舜尊軸簾納餘清，叩戶抄重較。篔

甌香碾新團，滴古濡散卓。舜尊虛齋憺無事，晚霽意蕭邈。篔

高蘿何年植，老榦惜崩剝。舜尊杪春發新條，青翠纔一擗。篔

有如荔含苞，又若烏破殼。舜尊籠陰忽蓋瓦，落格漸成幄。篔

五髻瓔珞垂羣玉，玲瓏琢舜尊榮悴迭後先。土膏異豐确，篔

幽賞人未齊。暖游蜂已覺，舜尊將尋條鈴護。毋使雀豹啄，篔

寫生畫史爲配饌。食經學舜尊故鄉南，湖南風景別。燕涿篔

濃陰壓兩岸，虺蔓埽船角。舜尊鷗鳧雜坐臥，鰕蜺恣撈捉。篔

何爲久滯淫，來往昧鳩鷺。舜尊酒罷花亦殘，擁衾歸夢數。篔

送張翊宰淄川

般陽城下記曾過，負郭分流左阜河。相送履鳧仙令去，恣聽驂篠短童歌。簾衣晝靜花應滿，書帶春來草最多。暇坐西堂

官燭夜吟情可憶舊羊何

往事沉吟十九年
潞沙津鼓解連船
河豚荻筍丁沽市
海燕芹泥趺突泉
岐路東西頻遠隔
故人意氣劇相憐
青藤絡格繁花紫
涼月紛紛話別筵

遲湯上舍 右曾不至

檉葉綠如繖藤花紫滿簷
望君君不至惆悵下廳簾

題王給事 又旦過嶺詩集

邵陽王郎姘羣雅掖垣
退食吟最工關西作者
僕指數比於二李
檢討因篤明府念茲
誰趨雄
去年使車踰嶺表
笙歌鹿鳴聽乍終
滿城象犀總不顧
迎潮直渡東官東
循州洞天福地兩羅浮
近與泉源通晴峰
四百三十二一捧出
青蓮蓬砂牀泥融
坐啞虎竹葉篆古書
秋蟲千年鹿跑草淺淺
五色雀舞花濛濛

濛濛游飯罷石樓去羣仙
或請銘新宮偕行況有
屈道士 為留題
肯使莓牆空此鄉
寶玉人所羨珠圓貝紫
珊瑚紅王郎歸裝乏
長物僅束詩卷藏
髻筒解船下瀧指湖口
餘興復入匡山中
僧房五百恣登歷
短筇輕屐隨樵童
三條石梁貫員闕
一匹瀑布拖長虹
王郎得句轉清越
墨花漬壁磨鉛銅
攜來都亭曾幾日
傳抄奚啻十數公
要知能事久服習
矢人之矢弓人弓
邇來詩格乖正始
學宋體製嗤唐風
江西宗派各流別
吾先無取黃涪翁
比聞王郎意亦爾
助我張目振凡聾
覽茲過嶺集百過
豈有癡垢堪芟
龍往時屈道士游
越山行水汎酬和
同自從判袂廣武
北十載夢寐懸江
楓沖虛觀前斗壇
在可有鄧嶽留葛
洪投詩王郎并寄
屈惜無萬里南飛
鴻

題賈院判 畫荷二首

亭亭紅豔立清波，殺粉調鉛不在多。却笑崔徐思憔悴，鷺鷥汀畔寫枯荷。

黃塵六月倦鳴鞭，苦憶中吳鴨背船。夢入篷牕聽夜雨，半江風葉枕函邊。

竹爐聯句 并序

錫山聽松菴僧人性海製竹火爐，王舍人過而愛之，為作山水橫幅，并題以詩。歲久爐壞，盛太常因而更製，流傳都下。羣公多為吟詠，圖既失，詩猶散見於西涯篁墩諸老集中。梁汾典籍仿其遺式，製爐恒歎息，舊圖不可復得。及來京師，忽見之，容若侍衛所容，若遂以贈焉。未幾容若逝矣。丙寅之秋，梁汾攜爐及卷過予，海波寺寓適西溟青士愷，似三子亦至坐。

青藤下燒爐，試武尺茶相與聯。句成四十韻，明年梁汾將歸，用書於冊，以示好事之君子。

西神峰連延，龍角沈泉歎。孫敷彌桑苧，次水經第較中冷。遜姜

宸英山僧寡，營役谷飲遂。夙願朱彝尊，跣趺長松根。風來耳垂聳

周質都籃，選茶具一一細莎頓。張祐慧山詩重街夾細莎顧貞觀舍彼陶冶工，截

竹等辮，拳致彌附以紅泥團。其修僅扶寸，宸英坎上離于中。下

乃利用，吳彝尊微颺颺，颺入活火燄燄，煖篋初聆檜雨喧。漸

見魚眼，輪貞觀紫筍舒萌尖，乍點湯色嫩。致彌王郎穿竹過，愛

接支許論宸英，解帶磐石間。素瓷迭相勸，彝尊欣然愜所遇。

伸紙隨，染渲質濛濛。巖亭瀑歷歷，水田畷貞觀。短短茅覆屋，

茸茸荻抽蘆。致彌橋鼓乃有路，門闢或無楗。宸英林壑雖未深，

埃埽頗已遠。彝尊流傳盛，新詠羣雅足。彝憲質或為篆籀，隸

若盃鬲敦膚貞觀或爲真行草若繇靖義獻致彌穆如清風
作舉一可當萬宸英嗚呼百年來精廬窟緇緇彝尊曩時所
珍物零落委荆蔓貧吾家瀘塘側想茲恒繾綣貞觀形模授
巧匠高下仿遺援致彌所惜七尺圖慮爲塵土至宸英開篋
逢故人輟贈得右券彝尊羊脂鏤踐玉獸錦束腰秦篋譬諸
延平津劒合始無恨貞觀俄驚鄰笛笛悲永歎壑舟遁致彌蕭
條黃公壚歌哭與俗溷宸英是物觀者希五都絕市販彝尊
今年吳船來載自潞沙堰篋徒置青藤陰旅語破幽悶貞觀
質比蓮芍輕形嗤石鼎鈍致彌小勺分宮時頭綱試甌建宸英
忽憶秋水生乘此風力健彝尊逝將挂席歸耦耕師下溟篋
毋令石林空兼使夜鶴怨貞觀

送吳漢入太原三首

嬖子關西木葉殘煙霜回首井陘寒馬頭不改團團月絕壁
韓詩拂蘚看

并州山繞崛岉蒼桐葉祠前柏幾行蘋号長生水難老憑君
抄入篋中方

周郎在浚近在蓮花暮點筆題詩興不孤暇日經過煩問訊
硬黃曾搨石經無

送毛檢討奇齡還越

一舸全家去層闈別袂分孤生倚知己衰老感離羣曉雨千
門散新泉五牖聞花光晴澹沲峰翠遠氤氳祖席愁帆影回
塘蹙水紋語多兼往事觴罷判斜曛少日偕簞笠遺書索典
墳扇邀王內史舞起謝將軍夢筆橋頭月捫蘿磴口雲徵歌
依趙瑟清墨灑羊裙午爨柯亭竹秋眠蕙帳蚊俄驚鄰笛弄

若盃鬲敦庸貞觀或爲真行草若繇靖義獻致彌穆如清風
作舉一可當萬宸英嗚呼百年來精廬窟緇貓彝尊曩時所
珍物零落委荆蔓貧吾家纒塘側想茲恒繾綣貞觀形模授
巧匠高下仿遺援致彌所惜七尺圖慮爲塵土空宸英開篋
逢故人輟贈得右券彝尊羊脂鏤躡玉獸錦束腰秦篋譬諸
延平津劒合始無恨貞觀俄驚鄰笛悲永歎壑舟遁致彌蕭
條黃公壚歌哭與俗溷宸英是物覩者希五都絕市販彝尊
今年吳船來載自潞沙堰貧徙置青藤陰旅語破幽悶貞觀
質比蓮芍輕形嗤石鼎鈍致彌小勺分宮時頭綱試甌建宸英
忽憶秋水生乘此風力健彝尊逝將挂席歸耦耕師下溟篋
毋令石林空兼使夜鶴怨貞觀

送吳漢入太原三首

孃子關西木葉殘煙霜回首井陘寒馬頭不改團團月絕壁
韓詩拂蘚看

并州山繞崛岉蒼桐葉祠前柏幾行頻号長生水難老憑君
抄入篋中方

周郎在浚近在蓮花幕點筆題詩興不孤暇日經過煩問訊
硬黃曾搨石經無

送毛檢討奇齡還越

一舸全家去層闥別袂分孤生倚知已衰老感離羣曉雨千
門散新泉五牖聞花光晴澹沲峰翠遠氤氳祖席愁帆影回
塘蹙水紋語多兼往事觴罷判斜曛少日偕簞笠遺書索典
墳扇邀王內史舞起謝將軍夢筆橋頭月捫蘿磴口雲徵歌
依趙瑟漬墨灑羊裙午爨柯亭竹秋眠蕙帳蚊俄驚鄰笛弄

頓使酒船焚失路，栖淮浦。逃名適汝濱，易穿東郭履。慚勒北山文，燒尾同華讌。傳甘並紫粉，四聲研沈陸。六義續河汾，闌藥園官送朝衫。小婦熏香奩，詞悵悵錦瑟。淚紛紛為折章臺，柳翻辭祕省。芸空林憶猿，鶴舊社返榆。粉到及湘莼，美閒看越鳥。耘朋箋存笥，滿麴米注牀。醺宰相陶弘景，神仙鄭巨君。行藏應自料，不用問靈氛。

題喬侍讀侍直圖

采殿簪毫入千門，露未晞。臣心勤夙夜。

天意慎幾微。慎幾微本房御書扁也。細細香生幄，曛曛日滿衣。非君諳掌

故奏事直前稀。

題項秀才奎水墨小山叢桂

少年席研頃生同，每到秋行桂樹叢。今日天涯展圖畫，忽驚

身是白頭翁。

程侍郎江山臥遊圖

啓禎之際，南北派書有董米畫。翟陳青溪先生起奪席，二者並妙稱絕倫。一水一石，弗漫與尺幅，價值雙烏銀。今觀此圖，著色老筆與黃鶴山樵親，蒼茫又類井西作。林霏掩靄，泉洄淪近來，仿古求貌似。疊石細碎，添苔勻。先生畫意不畫象，驅使二子窮其神。雲霞石淙開四面，一一鼠尾丁頭，皴山根木閣。看最好，安得買斷居河澗。四門博士重手澤，請我跋尾歲在寅。其冬，偷兒鑿我壁，室無泉布牀，無茵惟存文史五千卷。手摩插架，擿檟頻。此圖幾失，幸不失留置。愛玩，緜冬春朝來灑墨賦，長句書報博士遲無嗔。

送陳上舍曾毅還杭州三首

頓使酒船焚失路，栖淮浦。逃名適汝濱，易穿東郭履。慚勒北山文，燒尾同華燕。傳甘並紫粉，四聲研沈陸。六義續河汾，闌藥園官送朝衫。小婦熏香奩，詞悵悵錦瑟。淚紛紛爲折章臺，柳翻辭祕省。芸空林憶猿，鶴舊社返榆。粉到及湘莩，美閒看越鳥。耘朋箋存笥，滿麴米注牀。醺宰相陶弘景，神仙鄭巨君。行藏應自料，不用問靈氛。

題喬侍讀侍直圖

朶殿簪毫入千門，露未晞。臣心勤夙夜，

天意慎幾微。

慎幾微本房御書扁也

細細香生幄，曛曛日滿衣。非君諳掌

故奏事，直前稀。

題項秀才

奎

水墨小山叢桂

少年席研項，生回每到秋。行桂樹叢，今日天涯展圖畫。忽驚

身是白頭翁。

程侍郎江山臥遊圖

啓禎之際，南北派書有董米畫。翟陳青溪先生起奪席，二者並妙稱絕倫。一水一石，弗漫與尺幅，價值雙烏銀。今觀此圖，著色老筆，與黃鶴山樵親蒼茫，又類井西作林霏。掩靄泉洄淪，近來仿古求貌似。疊石細碎，添苔勻。先生畫意不畫象，驅使二子窮其神。雲霞石淙開四面，一鼠尾丁頭，皴山根木閣。看最好，安得買斷居河澗。四門博士重手澤，請我跋尾歲在寅。其冬偷兒鑿我壁，室無泉布牀無茵。惟存文史五千卷，手摩插架撇撇頻。此圖幾失，幸不保留。置愛玩，緜冬春朝來灑墨賦，長句書報博士遲無嗔。

送陳上舍

曾菽

還杭州三首

門外驪駒莫便催紅闌亭子上行杯誰能北地三年住不憶
西湖一舸迴

貓頭新筍長林扉雉尾香尊礙釣磯船到水仙祠下泊更無
塵泥藕苗衣

官閣垂楊水寺燈城隅處處結魚曾舊游白髮幾人在應笑
歸遲張季鷹

顧編修藻以橄欖見遺賦謝二首

疊果青於棗嵇含狀最工紅鹽齊落子翠竹遠開筒愛惜教
頻數歡娛忘屢空要知君子意獨許歲寒同
絕勝餘甘樹來從荔子村玉盤盛最好青箬裹猶溫酒後酸
漿別茶中俊味存清香留改歲試配煮河豚

飲遂安毛檢討寓齋

城隅燒尾宴曾同六載重來就菊叢珍重故人今夕會招尋
猶念一漁翁

題蔡修撰早朝圖

遮莫鬢髮畫鼓頻披帷風定燭如銀繡整只許狸奴臥辛苦
妝臺攏髻人

周上舍堂夜過

漚酒凍春碧菜雞蒸粟黃醉眠無不可西舍有繩牀

鱸魚同魏坤作四首

水面曾排赤馬船纖鱗巨口笑爭牽吳孃不怕香裙濕切作
銀花鱠可憐

微霜一夜泖湖東楊柳絲黃兩岸風不信輕舟往來疾筠籃
驗取四鰓紅

已脫朝衫分下耕劇憐鄉味算歸程秋風彈指今年誤輸與
江東老步兵
翠網千絲白玉跳蜀薑鏤切韭新苗背蓬圓笠平生慣準擬
抽帆第四橋

強圍單闕

寶晉齋研山

有石產京峴近在龍目灣周賈外史火正後愛好怡情顏彞尊
稜分巖穴岫垢洗黃朱斑篋俄看千仞峰勢拔方寸間彞尊亭
亭華蓋倚隱隱卻月彎篋岡巒各殊狀一一相迴環彞尊其
下陷深窪髮髯龍所寰篋有時風雨至大小青來還彞尊玩
物不在多對此形神爛篋以之易園廬勝絕臨江關彞尊觀
其賦詩意猶自心偏慳篋年深異顯晦幸未委榛菅彞尊君

家藏四葉冷光古益黷篋且以娛寂寞豈復論銖銖彞尊舉
世重黃白孰管凡上山篋好語王蟾蜍勿用清淚潛彞尊

附米海嶽研山歌爲朱竹垞翰林賦

濟南 王士禛

海嶽研山不可見人間空說研山圖研山之圖亦遭燬雲
煙過眼徒嗟吁宣和艮嶽已塵劫矧乃片石輕錙銖永嘉
流落幾百載昭陵玉匣今亦無詎知神物有呵護星芒夜
隕三天都太平宰相盛文物寶此何啻千璠璣

石初藏許文穆家後歸朱

文恪古藤書屋花未放主人愛客招吾徒眼中突兀忽見此

乍疑几席羅衡巫壺中九華那足擬仇池枉用誇導蘇三
茅地肺互鈎帶二華雲氣相縈紆蛟龍屈蟠待雷雨仙靈
髮髯迴輶車華蓋一峰獨秀拔宛插玉笏翹犀株翠巒玉

筍左右列雕尻股脚相敲扶上洞下洞闕曲折潛通小有
涵空虛龍池幽窈驗雨候頗疑中有驪龍珠峰獨者蜀屬
者嶧上泉有埒下有瀟座客摩抄三歎息蒼然古色生眉
須海嶽之菴書畫舫幾伴此老浮江湖巧偷豪奪歷千劫
閱盡春秋如螻蛄翰林好事過顛米日餐蛾綠忘飢飭滄
江夜夜虹貫月莫令光怪驚菰蘆

懷汪進士

煜

人日梅花落懷君過嶺時安牀紅豆底日日坐相思

喬侍讀

萊

一峰草堂看花歌同陸

嘉淑

周

質

姜

宸英

錢

金甫

孫

致彌

查

慎行

湯

右曾

陳

曾

蘇

賦

疾風經旬不出戶獨客懶過三眠蠶今朝風定塵塼減女牆
翠湧西山嵐修門池館綴金碧鏤柵未許停羸驂主人新拓

百弓地中園卉木吾舊諳天桃淡杏雖已落海棠乍坼丁香
含初疑徑闢過者少早有勝侶齊幽探新松四尺挂席帽炙
具一束攜荆籃絲頭毡展午陰直婪尾杯泛冬醪甘今年春
較去年晚花信十猶餘二三長紅小白枝尚亞雄蜂雌蝶飛
相參酒闌回憶壯年事於此晨夕朋盍簪燒瓷甕頭臥畢卓
蠟板曲子歌何戡滿墀明月露濯濯繞屋垂柳絲毵毵十餘
年來五易主魚牀潦盡成枯潭茅亭崩剝泥暗裂有若燕子
留空龕仙源重過豈易得惜花老去心逾貪韶光三月忽已
盡牡丹將吐房山南綠囊紅襖水精域鹿女微笑狸奴酣相
期雙屐著謝客更借一鶴騎盧耽諸君偕游恐不遂試與二
老評花擔

謂周陸
二子

同作

嘉興

周質

青士

九十日春不可駐玉河稗柳青漸濃官溝滌穢難墊足何處得看林壑重客言侍讀新築好紫丁香結千枝穠辛齋竹垞吾老友不嫌策騎參支筇查生慎行叩扉湯生右曾起顧我一笑偕過從是日天朗惠風細晴絲冉冉煙茸茸莎亭擁腫鼓四柱花氣遠接檐前峰縛樹老藤更天矯如割左耳奔乖龍縹囊欲坼尚未坼已見小尾游黃蜂主人朝回跋草履揖我得覲冰雪容食單藉地任箕踞脫略禮法便疎慵騰觚凍醪賸百末飭盤雜果儲三冬吾家長水塘一曲白鵝繡鴨紛游溶油菜花香蠶豆熟貓頭筍迸芹泥髮及基山東審山北麴塵波暖浮方卿撫琴久已謝宗炳鑿穴今復輸臺佟自從騎驢入燕市魴鯉去沼鷗閉籠得閒曠論麴坐末一洗膠固從來胸銀絲切鱸韭登俎更

留午飯餐久春何當清暑復來集醉看夜合花惺忪

棗花聯句

棗花香細細亂結春風闌蘇軾既免纖手摘寧邀上客看周顒燕郊得千樹吾將老園官蘇軾

王翬畫三首

王郎手摹一峰畫宛似張顛作草書鼠尾皴山鴉點樹只今能事有誰如

帝城日日足風霾眯眼黃塵漲六街對此溪山最清絕便思

衝雨踏稜鞵

王翬老去畫尤工橫幅吳裝仿惠崇曾記北高峰上望村村風景似圖中

檀聯句

有木生庭隅入夏翠陰發周匝甲枝易妨帽密蔭恰承轂孫致彌
重露一以晞微風久不歇尋尊皮乾敲殷赭花瑣補禿缺箕色
籠澹泞天影漏惺忪月致彌遮門肖水松驗雨促耕岱尋尊莖
小舞蝶翻脂香行蟻窟箕其身異樅柏其產偏揚越致彌豈
惟敵雪霜兼可蠲宛暘尋尊疾患子除栝槃匠人厠箕是
物錫嘉名肇詩皇矣曰致彌爾雅配蟲魚圖經繪苗髮尋尊
過從每淹留愛護勿翦伐箕森森埽庭蓐淺淺露馬骨致彌
清談自亭午離坐到日沒尋尊雖非郊野居且免土蓬勃箕
況有易釀沽把琖恣百罰致彌箕踞獨樹根狂哉酒檮杌尋尊
萬柳堂同沈秀才蕙纈對酒作
亭徹沙逾擁橋鼓路轉迴自從疎傳去懶逐葛疆來穉柳春
重徙新荷暑未闌故人留旅話仍勸竹根杯

畢上舍大生止酒經年冬夜枉過勸之復飲賦三十
韻

畢生本酒徒系浴銅陽卓長筵慣分曹尊與大戶較傾壺滿
觥船鬪力出捲握選格拋牙散射覆探雀殼勇哉氣如虎可
奪力士稍初愁鼓鑿鑿俄至雞喔喔一朝忽不飲客勸輒驚
連人或強之坐竦身等山嶽甘令浣衫袖不復顧謠詠自從
斷酒來月改十晦朔問之何以然其志在困學僧寮止容膝
居若蝸負殼一盃黃壘酸一燈青豆爆當其夜分倦欲睡乃
翻覺漆鬢添初星丹顏損舊渥入秋試不利泣抱楚和璞羣
飲徒挪揄背面肆評駁獨醒亦何苦羌不如醉濁北地釀法
多滄易通薊涿茲非禁酒國況弛官務權胡然守枯槁血脈
久淫濯生來恒鬱鬱我見尤爆爆是夕風最寒冰簪挂斜桷

西市買山麋東市買海鯪此時浮一錢亦足忘蹇剥生也聞
我言相視忽而曝有如魚含鈎又如鶴受鉞紅文螺曲房黃
支犀斛角沛然決江河豈能塞一堞詰朝客來尋仍向壘邊
捉

畢子飲二十杯而腹痛復欲止酒再以詩示之

我歌勸生飲生醉我亦眠繩牀一牆隔聞若呻吟然殘燈撥
餘燄夜半衣重褰問之臥敲側欲語哽在咽手摩腹與肚抱
痛青兩顴歷鹿車轂轉往來梭腸穿良久始起坐絮被遮寒
肩荅云我祿薄福過災則延緘之苦不易一夕敗終年飲啄
各分定造物信有權譬諸再嫁婦羞澀塗脂鉛譬諸黃面僧
破齋烹肥鮮旁人笑且侮瑟縮難自前麴蘖伐性斧自此仍
棄捐主人忽大噱物理生未研八尺士皮肉以腰分地天藏

府應音律經絡貫源泉江河漳深流夫豈可涸焉古聖作醴
醴服之斯萬全後來止酒徒託辭匪真詮奈何屏杯杓委腹
為枯田數升下喉嚨反若湯沸煎陷河湧越萬谷水淪由拳
此如囊裏漿暴下乃得痊及其潤既燥百骸自安便金平水
靜順豈復重崩騫來朝生且住剩有叉頭錢再為生解醒清
聖濁亦賢不聞朔風號雪虐層冰堅地爐擁終日與我常周
旋

送葉參議

映榴

督儲楚中

國家歲漕粟千里連舳艫上給 宮府用下克軍國需以之

實 天庾寧曰此緩圖先生富才術文與東馬俱道山橐筆

入粉署含香趨單車采秦風奉席盛羣儒

天子眷南顧特借司轉輸荆襄漢沔間土沃田膏腴歲或一

不登天下皆饑吁吾賢開濟策足使民困蘇暇日登南樓俯
瞰赤欄湖武昌柳百萬翠色兼蘅蕪臨風興不淺高詠無時
無歲晏一相送欲別愁須臾南魚北有鴈冀慰心煩紆

表弟查二

嗣琛

至都過古藤書屋留宿作詩二首依

韻奉酬

鹽官人到逼殘年贈我吳興十兩緜肌粟頓消生暖後鬢絲
相視入愁邊醉拚把瓊循環飲倦便安牀曲尺眠玉桂國中
來底事開春同縛送窮船

別時花藥發春壇五載離居感百端一泝武溪行熨道兩浮
炎海狎珠官蠻中土俗諳王範篋裏雲山奪范寬此夜劇談
高燭換北風頻送漏聲寒

冬日陪徐副相

元文

姜著作

宸英

游大房山出郊雨

雪馬上作

蓬勃東華塵窈窕西山容二者各有宜強之心不從徐公脫
朝簿姜子淹旅蹤期我大房游捫葛攀長松茲山我舊歷不
憚寒飈衝車中三升榼馬後九節筇誰能先花時蠟屐乘清
冬雨霰雖載塗相顧多歡悰雪色妙渲染一峰殊一峰明當
踏霽日遍覽金芙蓉

止孤山普濟寺

曉辭盧溝河暮踰韓姑砦荒榛取綫路亂塔湧香界峰迴削
峒吸水涸失涔派啞啞飢烏集簌簌病葉敗返景寒易收陰
厓暝逾怪俄而樵歌歇近寺響僧唵言投水晶域棲止得所
屆山餅温凍釀冬窖出秋菜坐久霜月高起行猶未憊道遙
青松陰於心豈不快

入上方山

山心夜不寐凍雀喧前牖香廚卯飯熟傑閣晨鐘撞柅車束
櫪馬各雇輿丁雙彎環柳捲椅夾以棗木杠舍村入坡陀百
折循崆峒萬古此積石山農絕耕稜短松走長根老樹撐空
腔徑盡緣仄磴險過梯雲杠置身縹緲間若掉都盧撞層軒
坐僧榻喘定心猶懣

一斗泉

昔尋一斗泉俯睨千花塔壯歲不知疲三日行兩市重來筋
力倦十五換僧臘已拚百骸困猶幸半踵納崖傾旋曲蝸石
扁鑊文蛤雨暘迭晦明龍虎互乖合忽焉松門在茅屋向斜
搭短綆汲澄泓微風吹颯沓精廬憺忘歸惜未攜酒榼向下
招游朋仰視笑不荅

兜率院

幽燕古奧室兜率居中巖花宮七十二下上東西歎六時響
魚鼓四面圍筠杉沙泉細流續石壁遺經劓欲探乳穴勝改
著短後衫其中路窈糾其外雲封緘百千羊須珠往往乖龍
銜所嗟脚力弱畏此高嶄嶄山僧飯我腹朴野言多僂嗣歲
期重過同把黃獨鑱

望摘星陀

梯頭歷上方崖內平挺挺其西叢木杪樵路乃荒迴蜿蜒衆
山伏崩劣一峰挺誰燒陰陽炭鑄出火風鼎旣絕鶴鵲棲兼
少麋鹿齷何年運鬼工於此置屋並遙想層雲巔六月亦清
冷況當密雪零夙宵斷杯酪天逼寒稜稜星壓光炯炯自非
鐵頭陀安敢居絕頂

鐵頭陀金時
高僧居此山

中院

天開寺中院舊在沙河南應公昔來棲曾立水磴三河流今已徙亂石堆枯潭孤碣當麥壠顏基迷蘿龕同游各下馬考古性所耽劃苔讀遺文其體國俗參紀年稱虎兒草味典未諳采之入舊聞亦足資客談攢筆抄乍終日隱西峰嵐添我蒙茸裘寒色齊回驂

東峪寺

孤山指憇題馬力苦顛跋堯夫云一舍五十里始達不知深山中地志誰所括亭午入東峪僕飢主亦渴寺門依白楊風葉滿頭脫牆西五墩古階下一水活竹爐拾墜巢茗盃收棄盃蕭然此時意百累皆可割修塗驗短景揮手謝禪闥回聽星星鐘流響在林木

西峪寺

層層金仙塔宛宛白帶山西峪在其下梵刹局重關經始齊隋代斷手金元間千春闕不發為計誠陰姦九經勒咸陽響搨流人寰乃知慈氏隘未若儒者爛土花填石闕鉛汁灌戶櫬有時野火燎豈得恃堅頑我瞻雲居寺磴險不可攀翠微未及上已足舒心顏

甘池

涿水魚重脣甘池魚一目消消六七竇羅注滿陂谷淺漾苔衣斑深含苻帶綠清泠下浴鳥遠近來飲犢河北將軍祠臆臘走巫祝不知何名姓遺像猶在屋秋晴秔稻香日至麩麥熟匪因水泉利何以具饘粥東度白石橋沙行背山麓村醅解留人風慢青半幅

六聘山中弔晉處士霍原

昔有霍處士居涿西山陽弟子半千人大小開黌堂六聘節
愈堅義不干侯王無端豆田謠乃受彭祖殃紛紜永嘉末鐵
騎樓武鄉伏尸出藏戶繫之如驅羊殺機本倚伏善人安可
戕我來後千載覽古心盡傷祠墓久摧沒末由酌椒漿縶馬
白楊樹旋馬黃茅岡

瓦井

瓦井社北東中田卯塔七叢叢蒺藜中高下如卓筆傍有石
鐘幢各志歲月日比丘守司徒榮祿大夫秩當時崇國師此
輩盡驕佚非惟混釋儒兼亦亂名實奈何茶毗後公然肆刊
述粵漢兩燕王改葬蹟遂失樂毅及霍原遺冢莫可悉彼亡
茲乃存物理信難必

欲尋孔水洞不果

晚投故砦宿晨別羽士家欲尋孔水洞村路迷三叉傳聞蹟
最勝自昔圖經誇怒衝砦确石晴響霹靂車層層落暗穴湛
湛渟深窪每當三春時流出天桃花仙鼠舞白日文鱗漾銀
沙我思窮其源惜哉無古槎僕痛促歸數未得探幽遐立馬
長店岡心仍戀峰霞

詠古二首

漢皇將將屈羣雄心許淮陰國士風不分後來輸絳灌名高
一十八元功

海內詞章有定稱南來庾信北徐陵誰知著作修文殿物論
翻歸祖孝徵

寒夜集古藤書屋分賦得火箸

我昔誦茶經其具得火筴圓直無葱臺修長過銅銚是物最
末微尋常付竈妾偶爲桑亭詮詎錄香山帖自來京城居七
度脫林葉窮陰朔風號聚沙昧樓堞南人氣柔脆土炕意不
愜瑾戶類蟄蟲曲身苦跼摺握火置甑爐聊以熨胸脅燕俗
饒粟新市者病遠涉虛傳紅螺產罕致白炭竄爆急燎竄須
煙騰淚棲睫箸也誠要需取用便指捻制以偶勝奇力惟同
乃協出入炎燄中身手洵趨捷有若赴敵場擒馘恣所挾峙
立必雙聳倒臥亦並接須臾不相離無以異鷄鰈留之載都
籃配以紙黏箒持喻同心人歲寒入吟篋

題喬侍讀小像

宛轉溪橋浴野鳧城隅瀟灑得重湖少年背面休相笑憔悴
何曾似左徒

食采玉山藥

窮冬旨蓄盡客至我心悔打門門者應擔僕走汗背查慎行
周遭解村綯磊落倒僮僮浦土諸二尺強愛惜煩點對吳卜雄
冰須截柔膩并滌洗麤穢朱昆田未許餅盆藏亟勒金高漑查嗣璉
酸鹹百無功水火兩不悖鼻尊炎力通透勃勃氣洗潰慎行
中筵出佐酒扶寸陶盤內越喬紋皴蛇跗斷衣滑兔褐退卜雄
軟嚼便牛飼饒叔鬪烏喙昆田是物種實繁厥產徧陽昧嗣璉
其葉不足憐其花不可佩鼻尊孔林殷而瘦禹穴白而償慎行
或如佛手擘或如龍卵碎越喬方經炎帝收藥錄桐君載卜雄
詎若采玉本品格壓儔輩昆田水芋山慈姑味劣遠難配嗣璉

宋僉事園亭雜詠六首

淶波村

我昔誦茶經其具得火筴圓直無葱臺修長過銅銓是物最
末微尋常付竈妾偶爲桑苧詮詎錄香山帖自來京城居七
度脫林葉窮陰朔風號聚沙昧樓堞南人氣柔脆土炕意不
愜墜戶類蟄蟲曲身苦踣握火置甑爐聊以熨胸脅燕俗
饒粟薪市者病遠涉虛傳紅螺產罕致白炭竄爆急燎竄須
煙騰淚棲睫箸也誠要需取用便指捻制以偶勝奇力惟同
乃協出入炎燄中身手洵趨捷有若赴敵場擒馘恣所挾峙
立必雙聳倒臥亦並接須臾不相離無以異鷄鯨留之載都
籃配以紙黏簦持喻同心人歲寒入吟篋

題喬侍讀小像

宛轉溪橋浴野鳧城隅瀟灑得重湖少年背面休相笑憔悴
何曾似左徒

食采玉山藥

窮冬旨蓄盡客至我心悔打門門者應擔僕走汗背重慎行
周遭解村綯磊落倒僮僮浦越喬土諸二尺強愛惜煩點對吳卜雄
冰須截柔膩并滌洗麗穢朱昆田未許餅盆藏亟勒釜鬻漑查嗣璉
酸鹹百無功水火兩不悖鼻尊炎炎力通透勃勃氣洗潰慎行
中筵出佐酒扶寸陶盤內越喬紋皺蛇跗斷衣滑兔褐退卜雄
軟嚼便牛飼饒叔鬪烏喙昆田是物種實繁厥產徧陽昧嗣璉
其葉不足憐其花不可佩鼻尊孔林殷而瘦禹穴白而憤慎行
或如佛手擘或如龍卵碎越喬方經炎帝收藥錄桐君載卜雄
詎若采玉本品格壓儔輩昆田水芋山慈姑味劣遠難配嗣璉

宋僉事園亭雜詠六首

淶波村

芟梁

照碧堂前水分流
穰稭村築場移碌碡
繫艇到籬門
背郭十畝園
滿陂種水粟
浴鳥游清泠
人語忽飛出

釣家

芙蓉以為裳
女蘿以為帶
釣魚師得魚
沽酒夕陽外

和松菴

微風起中林
調我松下琴
黯黯太古色
泠泠太古音

放鴨亭

渚荇抽新碧
園桃吐小紅
莎亭長日坐
不引竹枝弓

緯蕭草堂

草堂何所營
志蟹譜漁具
夜分汀火紅
點點出深樹

曝書亭集卷第十三

曝書亭集卷第十四

秀水 朱彝尊 錫鬯

古今詩 十三

著雍執徐

次查上舍韻送楊侍郎雍正還里四首

吾愛吾鄉少司馬
乞歸躬養太夫人
聖朝孝治容將母
元老功成合引身
篋裏詩篇行處有
道傍歎息見來親
計程一舸鹽官水
到及陔蘭滿眼春

夜舫朋箋晝賭棊
昔游嶺表共栖遲
頻過韋幔傳經地
尚記潘輿置酒期
南北幾回分手路
升沉相對滿頭絲
今朝遇我歡心劇
不異蠻天捧檄時

橫浦先生舊里居
為園郭外儘堪娛
人家戶戶通舟楫
藥草

照碧堂前水分流穉穉村築場移碌碡繫艇到籬門

芟梁

背郭十畝園滿陂種水栗浴鳥游清冷人語忽飛出

釣家

芙蓉以為裳女蘿以為帶釣魚師得魚沽酒夕陽外

和松菴

微風起中林調我松下琴黯黯太古色泠泠太古音

放鴨亭

渚荇抽新碧園桃吐小紅莎亭長日坐不引竹枝弓

緯蕭草堂

草堂何所營志蟹譜漁具夜分汀火紅點點出深樹

曝書亭集卷第十三

曝書亭集卷第十四

秀水 朱彝尊 錫池

古今詩 十三

著雍執徐

次查上舍韻送楊侍郎 雍正 還里四首

吾愛吾鄉少司馬乞歸躬養太夫人 聖朝孝治容將母元

老功成合引身篋裏詩篇行處有道傍歎息見來親計程一

舸鹽官水到及陔蘭滿眼春

夜舫朋箋晝賭棊昔游嶺表共栖遲頻過韋幔傳經地尚記

潘輿置酒期南北幾回分手路升沉相對滿頭絲今朝遇我

歡心劇不異蠻天捧檄時

橫浦先生舊里居為園郭外儘堪娛人家戶戶通舟楫藥草

村村盡畫圖坐久春禽啼滿樹
朋來臘釀勸傾壺更饒入饌
江魚美添買臨平半頃湖

僕指東華九載過罷官歸計尚蹉跎
最憐老友忽忽別不惜
衰顏夜夜酡酒倒三餅猶恨少
夢隨千里自今多早春也擬
輕帆下更嬾金臺獨放歌

任孝廉坪以家釀苦酒見貽賦詩志謝效孟東野體
即送其還高密三首

步兵游竹林左徒吟江潭思古憔悴人
舍酒何所耽東海任
公子遺家醞一甌味苦炎上作色黝封中
涵一酌我顏赭再
酌我身酣三爵矧多又醉枕南牕南自晒
同蓼蟲食苦翻知
甘

竹苦四味齊蓮苦寸心撥瓜苦斯有敦
草苦亦可捋周原美

萋萋越女采蘋為以萬清冬酌香味勝百末
自來頌酒人豈
為甘旨奪

於越百花露味重杯情衝維揚五加皮飲之
漸作鹹詎若膠
西釀可以解清饑君今馬首東讀書歸舊
巖暇看糟牀注飲
略手自芟儻遺一尺書方法試我緘

送吏部侍郎張先生假旋京口六首

袞袞諸公歲九遷先生何事賦歸田
不愁關吏饒如虎一葉
官河放溜船

便門東去柳依依一路垂絲埽石磯
青眼年年長送客幾人
生擁八駟歸

汶濟分流照畫舫中丞問俗向來經
山東父老應傳語雙鬢
依然舊日青

清淮泛濫濁河淤鴈戶飄搖少定居厝火積薪曾上策至今
太息雒陽書

真州柁轉即金山曉挂蒲帆十幅還總是當年釣游地詩牌
細拂蘚衣斑

墓田丙舍鍾繇帖京口谿山米芾居十丈紅塵吹不到江樓
日日倚南徐

偶成

三月東風何太狂塵沙黯黯天茫茫主人十日不出戶空園
花落無丁香老年逢春須愛惜悔不走馬看花忙無事獨坐
宣武坊吾家茅屋長水旁舍南有池舍北塘荷花草紫油菜
黃鱸魚上釣四寸強矮貓筍肥錦翎脫新蠶豆熟青莢長客
何爲不歸故鄉好約比鄰沈十二進薔薇架底醉壺觴

杭州水利不治者累百年矣巡撫趙公考城河故道
悉濬治之鄉人來述喜而作詩凡二十四韻

武林古澤國十八澗九溪當年宋宮闕溝水流東西陳迹漸
已湮深谷皆成蹊民居日湫隘編竹兼芑荇猛火一燎原悲
燄百室迷塗徹大小屋縉井愁難躋女丁配夫壬相顧但愴
悽吏治徇目前孰能防禍梯中丞益世才利器剗水犀下車
命丞倅故道資考稽率錢具畚鍤曾不煩鉏犁經始底告成
歲序尚未睽坐令闐闐間無異蘇白隄紅闌鴈齒列赤石羊
肝剗嘔啞小航船蹀躞快馬蹄停鞭市蓮藕倚檻來鳧鷖柳
陰穀犬鳴露脚莎雞啼祝融迴其馭婦子方安栖乃知濟時
策不在拯顛躋公之治水術豈獨過白圭泉清原隰平名與
名伯齊我家由拳城閭巷多蒿藜願公祛墨吏如決濁水泥

上以荅

天子下以寧羣黎

送柯孝廉維楨之蕪湖

劉賁下第原風漢王粲
依人復遠游舊履尚存尋
赤鑄殘書又抱去盧溝
春槽酒熟沙門店夜柵
檣平估客舟儻得黃金
休易散歸時須築小丹丘

紫藤花下醉歌同查上舍弟嗣琛賦

客舍紫藤長數尋
馭蔓年多半枯槁
往歲丰茸莖太密
花事去春翻草草
今年二月呼園丁
三百銅錢費除埽
雖然芟後花較遲
漸見含苞同蔽腦
檐牙朽株換棚格
井牀新汲傳栲栳
累欵低垂香細細
游絲不動日杲杲
鈞簾忽驚啁雀去
仰面生憎土蓬抱
越州老酒吳船來
小榼偏提恣傾倒
頭銜久

矣脫朝簿那問鑿鑿鼓昏早
惜哉筋力日已疲惟有花前不
知老停杯還憶故鄉路亂水穿沙入
裴島千章古木藤纏身
飄落繇英滿衫襖
明年期爾橫漲橋上舍所居
柔櫓嘔啞撥萍藻
綠陰共聽黃栗留
醉臥楸頭船更好

為錢給事晉錫題王給事原祁富春大嶺圖二首

記得山城水閣添
畫眉聲裏晝垂簾
還憑同省王郎筆
暖翠浮嵐五尺縑

富春江上雨溟濛
兩岸花開躑躅紅
髣髴舊游如畫裏
一帆曾轉釣壇東

吳徵士還蒲東魏上舍還嘉善集古藤書屋話別聯句

握手古藤下秋深
旅愁積歸來西溪
傍猶及種春麥
吳雲我

亦袖輕鞭明發辭紫陌倦鳥不同飛各自張旌翮魏坤二子
澹雅才肯為時俗役英辭迭相應如以桐叩石陸嘉淑柳塘水
淥淥蒲坂山驛驛改歲君到時古藤花滿格查慎行大防一斗
泉釀酒冰雪白酒熟君不來落花良可惜彞尊

送楊侍御燦還東湖

一謫金門住五年羨君容易早歸田他時願結香山社八口
先浮潞水船秋鳥炙來鄉味好月波釀就禁方傳桃枝況有
仙人母同注真靈位業篇

秋日萬柳堂同譚十一給事瑄沈秀才蕙鑣龔主事

翔麟同賦三首

亂水秋無路篋輿入壞垣粉銷題壁字苔浸插籬門蟲網掛
衣桁魚牀齧樹根頻來曾不厭觴詠舊游存

撲棗過頭杖藜繇短後衫沙平攜小榼徑遠罷長鏡古塔踈
林出遙峰夕照銜蕩舟無不可只少布爲帆

積潦沉官柳迴流限女牆白鷗來款款黃蝶舞悵悵鄉曲情
無改行歌醉不妨城南咫尺地想見野雲堂

馮檢討招諸同年集六枳園對菊即席分賦得顏字
可怪南鄰馮檢討酒錢肯爲謫官慳盡除簾額虛牕白亂插
籬根細菊斑新雨不來那在眼故人相對且開顏近年同脫
趨朝籍漏鼓頻催獨後還

贈許容

今之官印古壘節漢制斗檢封略同周秦以來鑄私印往往
撥蠟銷金銅會稽王冕易以石細切花乳桃皮紅青田山根
凍玉斲稷下里石舊穴空羊求休嫩大松老其餘麁惡不可

龔往時長洲文博士刻石頗有松雪風墨林天籟閣書畫以別真偽鈐始終吾生好奇頗嗜此碑礫犀象羅笥中徐貞木亡鄭埴天尚有程遠留江東故人衰病遠莫致縱饒玉石何人攻如臯許容近過我手出圖譜重錦蒙古文離離雜鍾鼎爾雅一一詮魚蟲乃知六書得其故大小繆篆能兼通相斯史籀各具體左蟠右屈何妍工合肥尚書龔端毅公最賞擊紛紛朝士傾詩筒吁嗟萬里十年別一官不達翻途窮低眉強隨抱關吏失足幾陷鮫人宮重來歎息舊游盡酒錢燕市何由充容今髮白我耳聾瓜牛舍近地百弓日長莫學打睡翁相邀硬筆寫獵碣夫豈不如薛尚功

題畫送徐檢討鈞還吳江二首

三高祠下水溟濛紅蓼花香一笛風驚起沙鷗定相笑黑頭

未稱作漁翁

不貪臺閣送行詩索我尊前折柳詞合喚凌舟付凌女更吹漁笛教漁兒

屠維大荒落

二月自古藤書屋移寓槐市斜街賦詩四首

轂鯨車輕簸兩輪殘書禿管雜勞薪移居絕似村夫子寫入圖中儘笑人

莎衫桐帽海梭鞵隨分琴書占小齋老去逢春心倍惜為貪花市住斜街

阿鏐秋去又春殘遠信封題萬里難不道衰翁無倚著藤花又讓別人看

屠門菜市費羸驂地僻長稀過客譚一事新來差勝舊昊天

寺近井泉甘

上巳集南城祝氏園聯句

六年人海中楔飲恒不果尚書忽相期折簡起踈慵彝尊並
轡城南隅地僻少塵堞入門愛團瓢登閣見馭娑崑山徐乾學原
山橫雉堞上水洩龍湫左隄柳金乍含闌藥紅未妥崑崑山徐元文蕭
雖乏三徑幽恣攜十榼可北酒雜薊滄南烹屏蒜菘彝尊日
遲宜賭弈場闊縱飛筭吟或叉手吟坐便鐺脚坐乾學初筵
已脫略帶緩頭不裹既醉席屢移三影照碧沲元文夕曛苦
催人馬鳴車炙輶莫愁風揚沙定有雨潑火彝尊

奉題徐副相祝園修禊卷三首

右軍但草蘭亭序不及羣賢被禊詩輸與先生鼠須筆春風
一一寫烏絲

一時裙履最風流擘紙花前點筆收我若當年參末坐便應
罰酒似羊劉

滴珠方勝杵頭新瘦本看來妙入神真跡祇愁容易賺莫將
缸面酒留人

社日登黑窰廠聯句

隗臺久蕪沒薊丘不可梯濟南王士禛雖有千里目將何共攀

躋徐乾學原一佳辰趁新社膏雨融凍畦彝尊早抽紅藥萌漸

見碧草萋萋姜宸英層坡簇五騎兩壺提一奚澤州陳廷敬子端陟彼

積土岡同駐削玉蹄士禛安房隱曲几藉地分疎萋乾學泉樽

酌用匏飯黍先以雞彝尊既瀝甘蔗漿復堆苦蕒齋宸英微酣

恣坦步遐覽窮端倪廷敬南有松柏林其北桃李蹊士禛亭午

風華香疑是麝脫臍乾學居人半陶旒門竇皆衡圭彝尊濃薰

樹杪煙濁漉水中泥宸英童娃亦娟勞面目成黢黢廷敬何時
得頽濯勝眼刮神篋士禛不見九陌塵奔車日冥迷乾學吾儕
處其中形殊境則齊彝尊相期泛裂帛瑩拂湖上隄宸英子
爲逸少序我續興公題廷敬

題畫二首

宣和舊譜識徐熙猶記都官畫裏詩三月江南看不足

宛陵句也

湖塘花鴨影參差

數株枯柳倚苔磯話別沙頭客未歸多事錢唐戴文進釣師
渲染著紅衣

朴公書來招游盤山却寄

三盤勝地稱絕衆嶺何峰最尊別後時勞夢寐書來興轉飛
翻青松十里巖磴紅杏千株寺門好雇犢車一兩軟塵碾到

山根

題龔主事

朝麟

西湖雨汎圖二首

茶檣酒幔靜無鄰鏡面平波碾濕銀回憶少年歌舞誤烏篷
不作獨吟人

蓴絲菱葉浸魚天十里湖山思悄然疎雨夜眠聽亦好莫因
月黑便回船

徐尚書載酒虎坊南園聯句

夜市燈熒熒晨衙鼓統統試瞻十二衢何人事游覽姜宸英吾
黨脫朝簿甘與世味淡初疑諫果食漸似都蔗噉彝尊駕言
適丘園塵慮益澹澈取徑衣乍褰入門首先領陳廷敬循廊無
坦步引緼得危攬高下屋四隅其中乃習坎徐乾學穿池注欵
嵌構草當蒞莢非無鶴在沙亦有魚聚椽宸英移情欣鳥音

側足避花蒼層樓牕面面遠目水黥黥鼻尊際此日載揚可
以釋愁黥矧饒凍春醪因之瀝詩膽廷敬滿酌金屈卮並坐
綠頭毯行厨少新烹糲飯有遺糝乾學司寇珍庖盈尚慮客
頗頷說禮何鏗鏗升車必抱慙宸英家宰論春秋凡例屏
趙啖觀其豎一義堅銳不可撼鼻尊上家太史述舊聞意欲闡
幽闇羣書擁戶棟散紙滿箱箴廷敬姜生老不遇其氣頗
號闕譬之珠在淵光彩詎能揜乾學谷太趨陪固所願賞譽夫
豈敢將毋饜燔魚嚼及芎蒲歎宸英論議或異同片言恥阿
媪共此千秋心方寸默相感鼻尊坐久歸反慵臨分袂再擊
起視天壇煙如雲出封礧廷敬堂坳雖一杯五月有萸萑相期
避暑游復此安竈竈乾學

題倪高士畫

房山潑墨太模糊那似倪迂意匠殊一片湖光幾株樹分明
秋色小長蘆

苦熱聯句

苦熱今年甚幽州亦蘊蒸朱共曠久無甘雨降惟見火雲升姜
宸英際夜焦煙合經天杲日恒張遠高林枯白帶淺泫露丹稜
王原最怕衝灰洞何須堰戾陵徐善河流金口膩山翠畫眉層
鼻尊黑蛟潛難見商羊舞莫憑萬斯同新畝荒稷黍遺種慮
子蝨騰朱儼零隊分行綴祠官典故徵譚瑄力難驅旱魃咒乃試
番僧查慎行童女雙丫髻旂竿五色繒李澄中新妝朱箔卷雜戲
綠衣能魏坤虹霓羣情望塵埃萬目瞪黃虞稷疾雷無影響長轂
但輟輟釋淨憲銷夏愁無策聯吟喜得朋龔翔麟盡諳微徑入不
待小僮應湯右曾席帽人人脫亭欄處處凭鄭觀袞劇談多野趣

苛禮必深懲錢尤夔旅跡頻年共鄉心觸緒增宸美小航思劃槩
精舍憶擔簦登茂囑白剝烏頭艾青牽紫角凌原夕風嘶麥虻橫
港沒魚鷹右曾竹樹濃於畫筓籬密似罾千家花滿屋六月
稻交媵鼻尊自失江村樂翻憐毒暑仍善黃沙隨扇集白汗
比漿凝遠易漬牀牀篔簹空支院院棚擔稀珠市果價倍玉河
冰慎行槁落含香蕊孿拳裊格藤斯同暗窺蛛網縮乾坼燕
泥崩翔麟戶撤垂簾額餅添汲井繩儼慵尋溫水浴只想冷
研登瑄三葛衣猶重雙絲履不勝撥書嫌走蠹懸拂倦驅蠅
坤祗覺娑拖便誰甘襍穢稱覲袞到門防客刺無地曲吾肱
鼻尊亟買泉澆圃同貪草藉芳宸英酒拚河朔飲茶愛武夷
秤澄中返照斜初斂微涼暮可乘原分曹爭射覆四座百觚
騰慎行

曹贊善

鑑倫

移居二首

家具先生有幾車朝來移傍古城窪澄泥小硯題詩處開遍
茂葵一丈花

後園虛閣壓城濠濺瀑跳波牖口牢正欲凭闌看洗象玉河
新水一時高

梭鞵聯句

五兩來江市千毛結海梭鼻尊澤蒲材較賤楚筍製徒工魏坤
健許踏層碧踈難入軟紅坤老夫還稱此桐帽伴山中鼻尊

藤枕

翦就蠻藤細方花織淺深坤香兼沉水木涼勝辟寒金鼻尊只
合青奴配何曾白汗侵坤一函容茉莉短髮不須簪鼻尊

竹簟

六尺斬春篔繩牀臥最便
彝尊紋同麴塵水滑比研光
箋坤攤飯宜三伏看棊判
一年彝尊物微休棄置
歸載潞沙船坤

風燈

暑愛當風坐移燈趁晚涼
坤紗綉扶寸閣燭減一分長
彝尊紫鳳垂垂結飛蛾
面面障坤更宜單舸去
留照露荷香彝尊

響竹

巧劃千絲竹仍留一尺筒
彝尊勁捎梭拂畔密置筍
厨中坤搖翅潛形速先聲
逐隊空彝尊莫因餘點墨
觸損畫屏風坤

冷布

秋月漚池罷炎風入市初
坤暗牕塵繭換方格畫屏餘
彝尊賤豈妍娥織涼宜倦客
居坤應逢麻紙笑三葛更鹿
踈彝尊

油紙扇

本目錢唐製猶存蜀府名
彝尊雖殊白羽潔却比素紈
輕坤蓬勃塵難污清涼風易
生彝尊翻嗤王內史題字費
真行坤

瓦歎壺

舊製惟煎錫新來器上陶
坤最愁芳草歇頻課短僮操
彝尊病葉分疎雨珍珠迸小
槽坤連筒雖自苦不比漢陰
勞彝尊

涼篷

平鋪一面席高出四邊牆
查慎行雨似撐船聽風疑露
頂涼坤片陰停卓午仄景入
斜陽彝尊忽憶臨溪宅松毛
透屋香慎行

竹簾

吳船初解縛燕市喜重編
彝尊一綫條條直雙釘戶戶
懸慎行鈎時教燕去踈處恐
蠅穿坤布幔旋催換秋風又
一年彝尊

送蘇郡伯守杭州

新涼纔報上林秋五馬雙旌發薊丘方鎮表存唐國史郡伯尊人鎮撫
中左符秩等漢諸侯江湖水氣城陰合吳越山光戟外收自
是前身蘇玉局黃州領郡又杭州

送張世濟之官楚中

酌春堂上勸觥船樓指分攜又八年偶寄一官江漢去風流
少府勝藍田

宋中丞肇鎮撫江西詩以寄之

離華秋色濟陽行送別燕郊空復情十月乍遷吳子苑六幢
今指豫章城樽移南浦仙舟近幔卷西堂幕府清宰相史家
書世系代興誰得似先生

再簡朴公

謝家木屐無完齒陶令籃輿怕朔風黃葉滿山來未得幽尋

也待杏花紅

送胡參議分守河東四首

周北張南夾巷居傳鈔互借一瓶書使君好事誰能及馬後
巾箱載滿車

朔風千里動幽燕欲醉壚頭費酒錢君到襄陵官醞熟可能
遺我蒲萄煎

天際河流戟外黃桃花春水漲魚梁銜杯不改陵州樂鱸取
銀鱗尺半長

歷井捫參儼畫圖到來官閣一塵無十年漢上題襟客不數

詩人鄭鷓鴣時鄭上舍培偕行

和韻送金檢討德嘉還黃州

謫居人海我未還君亦捐佩蛾眉班忽攜紅藤杖七尺歸臥

黃篋樓三間，鰕肥筍香酒。戶大月明風熟，漁舟閒有時。橫江逐孤鶴，一聲長笛開心顏。

同諸君聖安寺餞曹檢討 宜溥

載酒入古寺，柳林東湖頭。將以送遠人，豈惟恣燕遊。精廬金源舊，香乳塗白牛。二帝一宸妃，遺像堂中留。更聞王萬石，辭榮返故丘。傾城出祖餞，於此聚行輶。古來離別地，草木常先秋。火雷焚怪柏，霜葉鳴老楸。雖乏斷碣存，陳迹尚可求。曹子酒大戶，十榼飲不休。一朝忽言去，無以申綢繆。列席庭槐陰，日午風修修。窪匏截竹節，主客互勸酬。未知臨岐語，遠合古人。不坐久林鴉，集斜照。忽已流並馬，歸道南明發。期登舟一帆，挂楚澤百尺。臥竹樓川涂，日以邈。何以寫我愁，夢為黃衣蝶。飛繞崢嶸洲。

晚過崇效寺同李檢討 澄中 李中允 鎧 龐舍人 澄 曹

檢討 宜溥 賦

繚垣途轉曲，入寺淖初乾。尚有殘僧在，同尋斷碣看。白花秋細細，紅棗晚攢攢。更上荒臺望，遙山五髻盤。

白馬寺

仁壽千年寺，今存半畝宮。落鐘橫道北，瓦塔限牆東。客至愁嗥犬，僧寒似蟄蟲。夕陽留未去，雙樹鳥呼風。

輓錢進士 廷銓

曲江讌後放歸艎，豈謂才人祿命妨。差勝孤魂追及第，最憐無子奉高堂。門前載麴車難得，夢裏生池草未荒。不待山陽聞笛罷，西風老淚寄千行。

寓居天寧僧舍同魏 坤 作四首

青豆房容借經旬且閉關日邊連右輔樹杪豁西山六井泉
相似千花塔易攀不應朝市客翻羨旅人閑

萬古光林寺相傳拓跋宮著書非柱下留客即淹中味坵園
蔬甲香攜市酒筒波濤人海闊安坐作漁翁

到此栖遲慣都無應接勞借書僮入市莖薦馬騰槽塔射層
層火松鳴夜夜濤惟嫌重九會風雨罷登高

故人分月米言自玉田來黃雀兼鄉味金瀾勸客杯
徐尚書所遺也醉便尋茗盃行即遶香臺要踏西峰雪狂歌未擬回

為魏上舍坤題水村圖二首

鷗波亭子趙王孫曾為錢郎畫水村過眼雲煙難再覩披圖
鬢鬚筆蹤存

斜插魚標颺酒旗柳陰小犬吠籬歸田最是分湖好我亦

相期作釣師

九月八日天寧寺觀塔燈聯句

秋風鳴枯槐斜日薄西崦徐善並馬入寺門客衣冑稀蔽朱茂暘
于焉展嘉覲一笑輟鉛槧高佑鉅巡廊禮紺塔早立大且儼彝尊
陳丹和暗粉古色剝渲染魏坤蹟仍開皇舊函并舍利掩查慎行
一十三重檐檐風鐸善蟠楹蛟躩踞負礎鬼瘠貶茂暘飛
梯截階級白石奪琬琰佑鉅鎔金范為燈設砌架成厂彝尊纍
纍仄蜂房歷歷覆蟹罍坤怖鴿棲未安一夫突走險慎行綆
缶牽膏油豆火發星燄善初如螢尾炫忽若獸目睽茂暘或如
爐杓炭或如竈炊佑鉅須臾環扶闌散作四百點彝尊虛堂
鑒纖毫老樹失掩冉坤氛煙看直上樓閣時一閃慎行置身圓
鏡中交光不可掩善鼓鐘聲遠聞來者紛襏襦茂暘提攜及

童嬰羅拜雜寺闍佑祀營營各有挾邀福毋乃諂彞尊禮義
苟不愆寸心又何慊坤玩物隨所遭誰能束崖檢慎行宵分
梵放歇漏轉人散漸善茗盃坐屢遷松關啓還居茂凋衰年
疲倚徙禪榻擁衾簟佑祀弦月隨側輪濕雲俄淄淄彞尊驟
驚山雨來昏夢豁嚙魔坤晨興矚林端餘爍尚未歛慎行

九日雨阻天寧寺聯句

仁王塔祇樹林客九日期登臨彞尊風蕭蕭雨淫淫泥滑滑
愁人心慎行馬毛縮魚潦深行躑躅坐沉吟坤日月逝衰遲侵
去者昔來者今善別苦易思難任尊有酒且酌斟佑祀脫我
帽披我襟折黃花試共簪茂凋

同錢光夔王原嚴虞惇魏坤查慎行吳卜雄過白雲

觀分韻二首

愛見晴山出郊西萬木疎偶尋樵子徑因訪羽人居活脫存
真像蒼涼感廢墟惟餘綵旛字髣髴鶴頭書

世祖興元日真人獨召丘片言能止殺萬里不虛游羽蛻長
春觀池枯太液流誰裁釋老傳乃與帝師儔

送高佑祀之安邑和魏坤韻

驪駒九日郭門催問子西征幾月來最好河東苦桑落懷人
一倍引深杯

夜宿天寧寺大風和徐四處士善韻

檻外開皇塔三千六百鈴天風吹不定一夜枕函聽砌咽寒
蟲語牕搖獨樹形故人眠未穩吟傍佛燈青

曉起風未止復賦

已湧高城日猶號昨夜風六年凋佛樹乙字數邊鴻催粥桐

魚響薰衣桂火籠薄寒須拊擋仍作鹿皮翁

送樊明府 咸修之嘉興

仙鳧南發指江關到及梅花點地斑倚郭千家齊傍水登樓
百里更無山郊垞近日園亭少早潦頻年稼穡艱憑仗賢侯
妙為政不難風景舊時還

蘆塘放鴨圖為查大弟 慎行 題二首

橫漲橋東宿雨殘盡驅鴨鴨出紅闌蘆花兩岸冷如雪十里
秋容倚槩看

鴨頭老綠鴨脚黃十五五沿斜塘不勞蜀郡滕昌祐勾染
一枝紅拒霜

冬夜同諸子集杜尚書齋中分韻得波字

司空愛客埽東第十里杜曲齊來過揚眉且作吳下語焚尾

笑卷樽中波吾老謫官久當去人生良會安能多街頭蓼蓼
漏鼓急不醉奈此明燈何

給事弟 雲 宅席上觀倒刺四首

雪後風燈燄燄寒雲韶舊部走伶官一雙手技從容入勝舞
銀貂小契丹

洞庭橘酒注雙餅老去繁絃不厭聽為語參軍休打鶻衝筵
喚出李青青

杯繁暢舞踏紅綃高下冰瓷燭一條不是羊家張靜婉如何
貼地轉纖腰

琵琶鐵撥自西涼十四箏絃三足牀街鼓鼙鼙催不去更翻
一曲玉娥郎

曝書亭集卷第十四

曝書亭集卷十四

七

曝書亭集卷第十五

古今詩 十四

上章敦牂

同郭三 徵 滿井訪菴公即事二首

郊行方澤外路轉古城窪
小雨乍潑火輕風無聚沙
青蓮過橋寺紅杏隔牆花
一笑遠公在催停轂鯨車

故人方外侶 謂周處士實也 往往說支纖
帝里衝風雪僧厨共米鹽
招

魂迷去路挂壁有殘縑
不待山陽笛同游淚各霑

送史館姜君 宸英 赴包山書局二首

白蠟明經亦可憐
強吟詩卷放歸船
告身許領郎官軸
不藉題名鴈塔前

莫釐峰下著書臺十道圖經一室開
破臘梅花遶清夢勝騎官馬踏霜埃

送徐處士善南還

玉河新柳已堪攀二月交亭送客還
十度洞庭游未足今番真住石公山

送禹鴻臚之洞庭

謫官擬就洞庭居此意沉吟六載餘
君去西峰先相宅小樓容架滿船書

送劉進士凡知孟縣

百里雷封古孟州銅章出宰最風流
一灣清濟通王屋千樹穠花繞縣樓
別後酒鎗攜伴去到來詩卷許吾酬
三年報最尋常事腰折眉摧不用愁

送人宰順德

銅章再綰出都亭夫末郎官映一星
南海潮連沙嶼白西樵山壓縣樓青
題詩定遍篋笭竹判牘憑移孔翠屏
此地不難先奏最因風為報遠人聽

贈張叟昭

筍箨為冠大布裘愛從金石拓遺文
吾生癖似劉原父當代楊南仲是君

裂帛湖

裂帛湖流兩岸平柳陰風煖燕飛輕
年光冷笑長安客開遍山桃不出城

查上舍慎行

弟將南還過寓舍話別同魏二坤小飲

賦六言

江郎南浦欲別小謝西陵未來謂嗣璩弟也細草巴溝乍綠堅冰
潞水寧開散翻李卻新格酒瀉烏巾舊醅款語且留十日看
花同上豐臺

積雨寄賀秀才

堂坳階面簇青莎鳩婦呼來又出窠說與江南賀梅子今年
暑雨者邊多

倪博士

我端

讀書城西雨中寄之二首

黑龍潭口水雲腥黃紙無勞畫丙丁料得林扉昏掩處高荷
大芋枕邊聽

雨氣西山黯未開更聞小暑一聲雷不煩走馬衝泥苦便可
乘船入市回

牽牛花十二韻

小草無心蔓疎離到處延涼分銀漢水曉映碧羅天絆地三
秋早含苞七夕先風吹長裊裊露洗更娟娟冷翠蕉林外新
黃豆葉邊日高翻自斂夜久愈生妍月影銷衣後蟲聲攪夢
前梢溝香驛路墮雨滴罾船螢火黏常濕蛛絲密易緣子多
拋藥白根不費花錢舊入桐君錄宜蓂織女鈿憑誰插竹尾
幽思轉翛然

同李中允

澄中

錢中允

金甫

李諭德

鑑

重過萬柳堂

有懷相國馮公二首

岸柳經秋臥簷花過雨摧應門人已換並馬客重來板屋分
熊檻莎亭擾雉媒昔年觴詠日不記暮笳催
樹改平泉譜堂仍右相名路迴逢石坐心怯過橋行稚子喧
碁局園官却酒鎗惟餘沙面水猶似冶源清

題汪祭酒詩卷三首

金馬紛紛著作家，緇塵日日走簞車。誰如國子先生暇，吟到棠梨日影斜。

西陵十子流派別，南宋諸公體製殊。絕似韋郎浣花集，奇章麗則近來無。

庭闈眷戀賦歸難，酒伴相逢強自寬。只合宅西添小閣，秋山且當故園看。

祭酒詩卷中有記得年時重九日全家登閣看秋山之句

秋日集馮檢討齋分韻得南字

畢卓能轟飲，康駢愛劇譚。長筵遮硯北，小徑闢花南。榼醖三升酒，齋香二寸柑。餘酣留未去，采菊入茶籃。

題周編修

金然

雲松雪瀑圖

編修與子有結鄰洞庭山之約

越縑八尺誰所畫，雪瀑亂灑長松梢。中有科頭人獨坐，盤石

坳注目一足縛，昏泉一勺咆。斯人豈宜在巖壑，或者避俗憎喧譁。我生山水性夙嗜，十年誤把田園拋。移家欲果洞庭約，擬先縛屋三重茅。毛公壇高踏月上，靈威洞古探書鈔。楊梅滿村鶴頂賤，橘柚落樹筠籠包。茲山從無蛇虎雉，但有魚蟹鰕登庖。雨前茶牙舌比雀，籬下竹筍頭如貓。閒房恣意任選擇，樂土不用分肥磽。先生方充記言史，朶殿直入穿雲旂。曰歸正恐歸未得，磨錢枉費占義爻。耕田定須沮溺耦，開徑可少求羊交。終當乞取鑑湖曲，庶免怨鶴驚援嘲。

皇仁綏遠詩八首

并序

臣聞柔遠人則四方歸，有常德而六師整。舞兩階之干羽，至誠感神受百祿。於其球敷奏，其勇周官分。職合方訓，方懷方王。會開圖比服，要服荒服。唐著歸忠之傳，漢歌樂德之詩。矧

夫百王之所未臣重譯於焉來附于疆于理無貳無虞宜有
頌聲用揚盛美欽惟我

皇上軼堯包舜揚武觀文陟禹迹而方行合軒符而在握泰
階協正被四表以光華上治咸和躋八紘於仁壽建中立極
無外恢圖天地之大德曰生靡一物不懷

帝德神人之所助者順允率土莫非王臣畫謀造化之先制
勝霄旻之上乃喀爾喀雖修職貢反側靡常與厄魯特妄構
兵端阨窮已甚

皇上湛恩溥博克全仁濡義育之中

睿慮周詳不遺曲成範圍之內謂外藩之豫附必親定其機
宜總七萃於黃圖勒五營於紫微研水潮河以北照耀戈鋌
空同祝栗之間扶攜老幼百重陞戟瞻帳殿而傾心千列周

盧觀

天顏而稽首

宸衷用豫

聖度誠弘載揚正正之旗徐布堂堂之陣有爵有階有秩推
亡固存

賜衣賜譙賜金式歌且舞申以河山之誓親同禁衛之軍而
又

躬莅營門特宣誥誡用賞用罰是訓是行永爲不侵不叛之
臣無異實畝實籍之地於是揚葭啓路總駟

回鑾百千萬人皆感

恩而泣下四十九部益慕義而歡騰蒼龍搖旆旆之旂朱鷺
疊淵淵之鼓歲旱而雨師灑道日長而風伯清塵曜乾文闡

坤珍調玉燭輝金鏡既膺 寶錄宜薦 鴻稱惟

至德之彌謙而覃厚者多益萬年有道千古未聞臣幸際

昌辰式觀 醲化自慚弁陋仰沐 宗深恭賦短章奉揚

駿烈

紫禁開魚鑰青郊建羽旄受降資

廟略載筆忝詞曹塞拓漁陽遠山盤虎北高羣臣歸燕息轉

念

聖躬勞

鴈路緣沙磧魚雲接幔城鳴 鑾七校從吹笛六軍行俗本

通鞮譯人今息戰爭紛紛攜老穉遙望 屬車迎

納款陳千帳班 朝式九圍不圖瞻

日角轉自懾

天威重馬馱金縷首裘換錦衣早知 恩賚渥慕義久先歸

錫宴原殊禮官庖出尚方自來鹽穀少初得旨甘嘗位近周

青馬詩呈漢白狼遠人何以報齊奉萬年觴

羽衛三千士龍媒十二閑載旌平似水布陣屹如山膽已寒

蕃部懽仍啓

聖顏始知師以律悔恃七旗孱

繼絕弘新典疏榮表外藩河山申信誓謨訓有 恩言入視

金吾仗來隨白虎藩自今同尉候不敢更懷諉

鳳蓋將旋日重攜所部來感深翻泣涕送遠愈徘徊星野瞻

箕足 雲旂戴斗魁 神功一萬禩 駐蹕起層臺

左闕千門曉南風五月薰崇牙鏡吹曲 仙仗羽林軍行健

同 天德鳴謙集

帝勲小臣逢盛際獻頌愧無文

爲魏上舍題水村第二圖二首

江鄉最好是分湖紫蟹紅鰕雪色鱸眯眼塵沙歸未得倩人
重寫水村圖

綠蘋不礙板橋樁紅葉空堆老樹腔異日相過任風雨抽帆
直到讀書牕

燕京郊西雜詠同諸君分賦

十八盤

香山十八盤盤盤種松柏惟見獨行僧稀逢采樵客

高梁河

高梁寒食時昔年盛游冶隔水百重花長堤兩走馬

釣臺

鯨魚千百頭湖水二三尺有時溪雲生不見釣臺石

君子城

吾笑石季龍爾何知好士羅致山城中哀哉數君子

芙蓉殿

雕宮委礪礫暗粉剝莓落想見明昌日芙蓉殿脚開

黃牛岡

亂石侵花當奔沙擁樹根黃牛岡上月橫笛過前村

香水院

壞磴接雲根流泉來樹底宛轉入僧廚淙淙鳴不已

夾山寺

禪枝啼谷鳥忍草護松關偶入樵人徑桃花又一山

壘山

石甕久已徙青山仍舊名去都無一舍已覺旅塵清

重光協洽

送吳御史震方還里二首

去年分上書拜手兮青蒲今春子未暮乘白駒子下通潞酌
酒兮臨風攬子袂兮城東申之兮款曲客無為兮忽忽泛牖
河兮千里不如子之車兮莫或敢柅望江關兮兩旗不如子
之馬兮莫或敢維囊無一物兮旋故土將津吏子無怒

瞻衡宇兮欣欣數鄉樹兮歷歷慰慈母兮倚閭御輕軒兮布
席妾婦蠶兮臂筐童呼牛子腰笛麥秋子梅暑煙舟兮雨履
罷遠遊子屈平師近遊兮東哲逝將歸兮由拳樂與子兮晨
夕

雨中酬王先生士禛早春見過韻

架插圖書即是家忍令丘壑廢京華故人積雨能來否堂下
羅生十樣花

附正月上旬過朱竹垞太史齋中諸花盛開賦絕句

濟南王士禛

馬騰曾說野人家每先去聲東皇管物華今歲長安霜雪少
試燈風裏見唐花

團谿歌寄題黃贊善與堅書屋

團谿水繞舍北流團谿花發牆東稠先生歸去著書便日坐
團谿溪上樓

九日萬柳堂同譚十一表兄瑄作三首

百尺金臺近可攀城西積翠冷孱顏自緣筋力新來倦九日
聊尋一簣山

鷓鴣撲鹿起晴沙路轉平岡日已斜較是今年籬菊晚秋深
猶膩水芙蓉
改席疎林脫帽多半酣猶望麴車過休嘲酒戶年來減勸客
還能卷白波

秋水十韻

郭外湖新漲天邊暑乍歸牽罾移荻岸繫纜到柴扉橋影中
流小人煙極浦稀家家采菱角處處落蓮衣渡口迷村店潮
痕驗釣磯魚標林際短蟹火夜深微柳近浮萍埽楓兼斷葦
飛避矰鴻鴈下侵壟稻梁肥夢穩扁舟在鄉遙舊雨非殷勤
報鷗鳥伴我共忘機

送蔡中允假還省親

記聽句臚已十年詞頭草罷擘宮箋不知才子循陔後鎖院

何人下水船

寄題張學士前輩賜金園二首

金海橋西小苑灣偶辭賜第放船還仙居絕勝閭丘遠割
取龍眠一半山

越溪漁客東歸後千載無人乞鑑湖輸與先生賜金換
君恩歲歲荅魚租

毛封公壽詩集唐人句十韻

自知清淨好名利本來疎嗜酒晉山簡通經漢仲舒高齋徵
學問教子但詩書庭養沖天鶴香消蠹字魚寧知武陵趣還
傍釣臺居散帙至棲鳥鳴榔聞夜漁古苔生迤地時菊覆清
渠洞有仙人籙門停長者車桐江秋信早勾漏藥成初自有
延年術何人更得如

明詩歸集卷十五

毛封公壽詩集卷十五

寄題新城王上舍

啓深

園居十二首

綠蘿書屋

女羅青裊裊壓君一丈牆
有時風卷幔瑣碎涼月光
留照牀上書籤帙生微黃

嘯臺

山月出漸高山泉鳴不已
登臺一舒嘯四面林風起
公子鸞鶴羣形神兩無累

春草池

春水既已綠春柳亦已青
此時池上草日暖飛蜻蜓
游絲墮復起牆外花冥冥

石丈

種橘號作奴種花呼作后
山礬以為兄海棠以為友
羅置石

丈前丈應開笑口

大椿軒

大椿本無樹取以名其軒
不隨殘草彫長愛藻景暄
因思漆園叟十九皆寓言

小華子岡

小水波淪漣小山石偃仄
月明攜客上竹樹風不息
比似輞川圖但著淺絳色

石帆亭

我昔鏡湖曲曾對石帆山
婀娜層雲外迢迢不可攀
何如一片影移置戶庭間

三峰

一峰竦中央兩峰旁
夾侍共此一簣山各具千仞勢
要知主

人心方蓬有遐寄

雙松書塢

我願身為鶴巢君庭際松清風吹我衣明月照我容與君歲
寒約寤語繇春冬

樵唱軒

樵風遠更聞樵唱行無次郭東郭西樵審音非一致寫入丘
中琴泠泠有餘思

小善卷

洞戶雖言小翻勝陽羨里初無鹽米堆惟有木石几不知經
幾年石髓滴為水

半偈閣

小梯上橫閣勝境同精廬宴坐維摩椅纖塵都掃除觀心默

無語想見天地初

題沈上舍洞庭移居圖六首

沈郎歸興及秋風擬學煙波笠澤翁不戀湖莊收紫茜愛他
千樹洞庭紅

銷夏灣頭五月涼堂成面面納湖光楊梅綫紫枇杷白買斷
閒園自在嘗

才微歲晚畏譏彈井社年來欲住難只合全家太湖去免教
小吏侮鄉官

洞府曾傳第九天況聞菴裏足良田煩君送我鮎魚口並載
吳江赤馬船

濕銀三萬六千頃兩點青螺髻子濃生怕東山鶯鴨鬧輕帆
徑度莫釐峰

曝書亭集卷第十五
橋田薑枝散租符西舍東鄰興不孤他日相逢王潑墨也
生絹索橫圖

曝書亭集卷第十五

曝書亭集卷第十六

秀水 朱彝尊 錫鬯

古今詩 十五

玄默澗灘

出都王山人 暈 畫山水送別

王郎五載一相逢寫出雲巒別思重髻髻攝山風月夜秋牕
同聽六朝松

白草屯

白草屯空似戰場昏鴉點點入斜陽舟依茅屋三間泊風動
棗花四月香去國不禁頻徙倚得歸寧復倦津梁叢祠何處
喧村社有底紛紛士女忙

入汴過胡司臬 介社

吳船千里載冬醅避暑長筵日日開却喜訟庭留牘少時着
官馬借書來

瓜步留贈張同知

柴車一出白頭還過嬾偏宜應接閒猶有故人能好事隔江
留看六朝山

寄陸侍御

隴其

主恩先後逐臣還羨爾幽棲泖一灣想得著書風幔底桂花
如霰落秋山

洞霄宮題壁

天柱峰高倚晚晴琳宮消歇斷碑橫砂牀竹下搜難得臥聽
山禽擣藥聲

江行三首

潮落江平宿雷陽船頭新月下微霜曉看烏白紅千樹樹杪
半山鴨脚黃

絕壁苔紋鼠尾皴灘光晝靜白鎔銀分明江上孤蓬客黃鶴
山樵畫裏人

環溪亭下水流東野碓飛輪到面風返景松巖紅未斂隔江
人語漆林中

冬日同鹿明府

祐

錢廣文

瑞徵

游爛柯山二十韻

道書詮洞天青霞居第八流傳負薪翁披榛入垓北中有兩
青童碁聲暗相戛俄驚斧柯爛逝節等奔鶻此事知有無特
書在琳札我來太末墟十月方納秭曉出通仙門緣溪碎石
滑拂林風騷騷鳴碓水泚泚明府政不煩廣文俗能拔於焉
齊喚渡次第柅車轄飛梁忽在望相視笑且咀靈境茲最奇

造物亦太黠疑經百蟲焚或受五丁握連蜷虹霓偃垢膩神
鬼刮傾崖穿一綫斷塔盤禿鬚丹楓露已彫瑤草霜未殺剜
苔讀遺碑汲井恣拭刷昔賢鬪茶地味者莫之察日斜洗行
廚得食鳥嘎嘎徘徊雙松陰惆悵別香刹

鹿鳴山晚眺二首

一簣山平遠雙林溼暗通不愁筋力倦且喜笑言同藉草荒
岡上疏泉碎石中新晴尤可戀移席憤王宮

近郭茲山好禪扉鎮日扃江光寒轉白峰色遠逾青亟種千
松樹宜添一草亭他時放歸櫂歌鳥試重聽

玉山

三衢山歷盡橋影跨通波十室居城少千家負郭多啓顏津
市酒隨意榜人歌且免書驢券郵籤次第過

廣信

信州風物好倦旅亦開顏灘響層層石林疎面面山狎鷗飛
不去放犢飲初還夜火浮橋外連船當戶櫂

鉛山

不遠江城路舟師指點遲穴山巢鶴鵲編竹坐鸕鷀晚飯惟
三板朝醒藉一甌鵝湖酬和地百世起人思

弋陽

城小斜依壁門開近面江陂仍仙令跡歌換楚人腔辣關山
無樹崢嶸石滿龍多情輒塔影十里逐蓬牕

貴溪

亭榭均干越封圻析上饒連山齊覆釜獨石忽成橋想見黃
梅發何曾碧樹彫降丘誰宅此雞犬已寥寥

安仁

畫角衝寒動明星際曉行水迴沙市曲山到郭門平野確啞
啞轉漁榔杳杳鳴誰與分百里洵美得嘉名

瑞洪

餘干江路永回首失蘄岳市酒難為醉罾魚乍解饒自玉山至安仁

捕魚多用烏鬼魚皆無味至此始用罾

湖寬舟愈小峰遠日初銜漸識宮亭近分

風及布帆

自贛州至南安灘行口號二首

鬱孤臺下水嘈嘈南去輕舟未易操灘響逆流三百六篙師
那得萬張篙

且挂風帆溯急流船人勸客莫深愁只應預想歸程樂柔櫓
嘔啞下吉州

昭陽作墨

夜泊珠江

潮湧牛欄城門名外舟停殢戶旁月高人不寐隔浦是歌堂

同屈五大約過五羊觀

仙人騎五羊墮地化為石石今在琳觀仙人去無跡屈生嗜
奇古偶坐蔭松柏摩挲汴京碑不覺日西夕觀有建中靖國碑

光孝寺觀貫休畫羅漢同陳恭尹賦

貫休手寫一十六羅漢其二乃在南海訶子林昔游真蹟未
得見念之三十五載縈人心白頭重作嶺南客故人期我虔
翻宅僧廊亂後花木猶瓏瑤薤菜春生滿池碧循廊轉入精
廬深一幅居然挂東壁古絹尚白石轉青恰於石罅安疎櫺
一僧倪首力寫經自準以下祇半形芬陀利花貝多葉梭欄

筆管毛猩猩不知金天之西何處得石硯母乃昆吾玉切新
出硯一僧却立侍中餅靜如沙鷺翹涼汀燈不翦信明滅
杪櫂樹底風泠泠牕前千歲老猿拱雙臂平叔兩肩聳筍鞋
桐帽木葉衣想見霜濃寒到踵精誠能令感金石何況羣生
知怖恐禪月師流傳三絕畫書詩編巨岳集書有姜體遠
本周之史籀秦相斯未若畫品更崛奇即如此幅遠出意匠
表或疑入定真容髮髯親見之不然調鉛殺粉能爾為訶林
僧神物藉汝能世守不見宣和舊譜遺蹟久云亡豫章西山
雲堂院中亦何有我欲賺汝去莫飲我缸而酒我欲奪汝歸
玉鴉又不在手世間豈少珊瑚鐵網珍珠船自今貯之伏梁
閻檻庶可全

嶺海將歸梁吉士

佩蘭

載酒邀同屈

大均

陳恭尹吳

韋王準陳元基梁無技季煌燕集五層樓席上分賦

得會字

飛樓壓高城入天納萬籟登臨信可娛矧與羣彥會吉士澹
蕩人偕行屏軒蓋論交半簞笠雜坐緩巾帶樽中酒如泉海
大魚作鱸款款話別悰迨念歸旆於焉感昔游茲樓在晻
靄凝思躡丹梯興發不可奈惟時建雄藩自比夜郎大邸中
鑿園池巧匠恣雕繪水亭擬舟梁山木徙樅檜長姣羅美人
管庫斂文貝因之設厲禁游者必鉗鈇一閉金獸鑠廿年委
榛薈修蛇穴其中妖鳥叫其外雖免劫火焚終遭颶風害人
事戒滿盈天意惡侈怵六師一以移漢將齊下瀨劉王舊花
塢金粉盡淘汰今來縱游觀足以動深嘅觴罷復凭闌遠目
豁矇眊祝融方司南尉陀臺占允萬井鬱參差百谷互陽昧

人影數沙蟲林梢亞蓬艾我非雲中君何緣出塵壒少陵有
遺詩將老斯游最

嶺外歸舟雜詩十六首

黃木灣西廟鼓撾春潮漾漾沒蒲芽翻嫌二月歸程早一路
攀枝未作花

蠻江豆蔻一叢叢牡蠣牆圍半畝宮貪看河頭采珠女輕帆
不趁酒旗風

枕外潮雞報二更朧朧月底暗潮生客心最喜舟師健貪趁
朝霞半日晴

船頭醜酒佛山過七尺烏篷疾似梭行到西南舊時驛驚心
榕樹已無多

三水城樓照落霞漁村處處見撈鰕夜來欸乃聽新曲不是

漁家是笛家

飛來寺脚來江濤徑入雙林磴轉高怪道褰簾蝴蝶至軍持

新插紫山桃

權郎鄉里面都黔撐盡筠篙秃指尖水飯乾魚烏攬豉生來
不食廣州鹽

紫棟花香映水牕舟從大廟出奔瀧晚來欲雨猶未雨峽裏
鷓鴣啼一雙

新開花縣壓層巒羣盜停探赤白丸不是邵陽王給事

又旦

滇陽行旅至今難

山坳一水忽分流兩岸多停楚客舟夜半東風齊笑語月明
打鼓上連州

彈子磯高高插天蓬牕未許客安眠尋常一色四更月獨有

此山啼杜鵑

曲江門外趁新墟采石英州畫不如買得六峰懷袖裏攜歸
好伴玉蟾蜍

修仁渡接始興江半挂魔幢半佛幢記得三楓舊曾泊更無
風雨打船牕

澹公山水入奇懷陸守頻營繡佛齋白社風流今已盡更誰
說法上丹崖

丹崖精舍表兄陸侯世楷守南雄日為澹歸禪師建師
姓金氏諱堡中崇禎庚辰進士牧臨清州亂後隱於浮
屠後卒
於平湖

青篛竹尾鳳毛織銀箸灘頭石角尖五里一瀧成十里虛勞
估客記郵籤

雄州郭外萬人家小店臨流大道斜纔是野薔薇落後白花
開遍苦丁茶

梁吉士以羅浮蝴蝶蘭二枚贈行曲江道中一蝶先
出逢底聯句成三十韻

故人贈我行方物當所選尋尊筍發詫駢羅中有蝴蝶蘭沈
名蓀兩兩折枝挂一一槁葉卷昆田動搖植懸風妥貼續綴冕
尋尊厥包同米囊其文比竹篆名蓀末如蟬翼輕齊女鬢垂
鬢昆田詩朋爭愛惜寘之黃篾筵尋尊薄寒巾密覆遲日牕
始展名蓀隔籠頻摩抄並棹迭窺覲昆田形隨秋燕蟄候早
春蛹蛻尋尊我夢為莊周栩栩興匪淺名蓀俄然一繭破有
若子初婉昆田停橈疾招呼急走忘足跣尋尊編爛五采錯
的皪九光焄名蓀層層金泥塗屑屑雲母碾昆田絲絲春江
濯幅幅朝霞翦尋尊孔鸞一毛截瑇瑁片甲輒名蓀眉過粉
蛾長翅類仙鼠扁昆田繚纒變周官繪繡備虔典尋尊曾聞

朱明洞大者如輪轉名孫悠揚千花叢下上百丈巖昆田或
云麻姑裙裂之在蒼蘚鼻尊或云葛翁衣貯之在丹甌名孫
紛綸辭各異無乃傳者舛昆田夢想四百峰有約末由踐鼻尊
未逢采雀靈徒說啞虎善名孫名山應見笑竦誚豈能免昆田
觀茲鳳凰子髮髯列仙遣鼻尊入山夫何難歸與面有靦名孫
明當放汝還華首恣游衍昆田

沈霖 據石圖

差山高士隱織簾千金一致醫方兼餐花黑蛺蝶衣潤丸藥
碧梧桐子黏無絃之琴石上臥有洌者水沙中潛張生遠傳
寫陸生嘉淑讚題罷玉蟾蜍淚露

秦吉了聯句

珍禽產邕管自呼秦吉了武進邵長蘅子湘脩脩羽儀澤炯炯眸

子瞭鼻尊丹味漫多智黃距一何躑長蘅尾輸山鷓長形陋么
鳳小高兵宋華牧批肉花冠鼓垂耳蠟光皎鼻尊好語鎮間關
餘音或繚繞聲雖殊鳩舌蠻偶類雉鳴唯鳥鼻尊宣和譜乃遺
爾雅釋未表屢奮躍不停獨立聲忽悄犖羈栖恣飲啄簾幕
信昏曉寄身在籠中結思仍木杪長蘅稟質洵云微即物嘅
詎少所以韓退之作賦感二鳥鼻尊

闕逢闈茂

曉行圖

樹杪星星塔火收月殘衣上冷霜浮郎當風鐸穿林去莫是
曉行人姓劉宋劉一止賦曉行詞
得名人號為劉曉行

白陽山人陳括折枝花

餅桃花仿吳公器風牡丹摹崔子西雨點露團猶在眼惜無

好鳥盡情啼

崑山謁宋劉處士過墓

荒榛斷碣小山陲
詞客當年亦可悲
蘆葉汀洲繫船夜
颯肩風雨渡江時
橐中青兕千金散
馬後焦桐一輛隨
辛苦東吳顧文學
涓邀人歲歲此題詩

積雨八首

自從甲子春來雨
四月從無三日晴
薄暮東風吹轉急
泊舟小水看潮生

水木陰陰夏尚寒
桑枝風戾幾曾乾
莫愁著屐衝泥遠
小舫撐過繡鴨灘

沒盡荷花紫草田
菱池新水芋陂連
畏寒不獨衰翁甚
年少冬衣未拆絛

貓頭筍夾白版扉
麂眼籬綻黃薔薇
綠陰門巷午風起
吹遍楊花總不飛

烏篷夜柱釣船坊
曉起水添三尺強
欲覓園花查上舍
嗣琛但愁橫漲板橋妨

荷葉新抽一丈莖
柴門趨漲到磯平
黃鸝粉蝶不相見
唯聽鶉鳩逐婦聲

芍藥酴醾不到鉞
園荒六枳戶常扃
吳蠶已是三眠候
桑葉依然陌上青

棟花信後猶凝紫
梅子枝頭尚未黃
枉費祈晴丙丁帖
殺風雨至轉顛狂

池上編籬偶成二首

槐泝菱池水一窪
好編六枳作籬笆
客來與乞平安竹
老去

思裁頃刻花農丈人唯知避俗村夫子更嬾移家試添隔岸
香茅屋眼見南垞勝北垞

清時特地許閒身底用秋踞傍市塵著錄九經堪送老擁書
萬卷不言貧為農也解量晴雨置酒渾忘是主賓寄語巖栖
譚給事瑄何妨近作耦耕人

題畫

第四橋頭楓葉丹詩翁露頂不知寒停車鎮日樹根坐閒看
路寫綠鳥飛過灘

為高上舍題其尊人太常層雲山水軸

太常三絕畫書詩尺幅溪山付虎兒斷楮零綃何處覓秋牕
惆悵卷還時

李秀才琪枝墨竹

小閣爐香洗硯初數竿墨竹最清疎前身定是梅花衲仍占
春波橋外居

送鄭云培入粵

入閩閩有灘度嶺嶺有關勸君舍仙霞勸君踰常山一帆餘
干漾三板茶磨盤曲江水云云大廟峽攢攢秋深高涼郡郡

守鄭君當之官英英玉堂彥戟舍有餘閒好賢若緇衣為子
具館餐況有王大令原儒雅足盤桓蕉椰實堪飽橄欖漿不

酸一丈孔雀尾雙丫公孫蘭青青篔簹竹恒覆屋數間此鄉
洵可樂何時方來還暇過五羊城越臺尤壯觀番番三老友

謂梁陳屈三子為我報平安

招陳秀才忱山游之作

洗藥爰基井讀書顧況臺臺溪行十里近風便一帆開野飯香

新栗山園露早梅相邀好兄弟及此共深杯

旃蒙大淵獻

二月二十日

灣頭新柳碧遙遙猶記停舟舊板橋
自花時葬西子年年風雨是今朝

論畫和宋中丞十二首

阿儂舊住韭溪北天籟閣中曾數過
記得千金紈扇冊童時

一日幾摩挲

項氏家藏千金帖有三一為唐雙鈞萬歲通天帖一為淳化閣帖初拓本一為唐宋人畫紈扇居多

界畫樓臺膽未豨棘鍼花鳥亦難嫺
昔賢往往妙遊戲不了

樹枝沒骨山

狡僧紛紛偽亂真巧勺楮墨傳灰塵
誰知神物歸藏奔千載依然色斬新

談藝何人公道存每因憎愛味昭昏
不應唐沈同時在吳偉翻呼畫狀元

隱君趙左僧珂雪每替容臺應接忙
涇渭淄澠終有別漫因題字槩收藏

董文敏疲于應酬每倩趙文度及雪公代筆親為書款

胥山樵叟畫亦殊得錢多寡分精麗
少年身後休嗤點不見

長江萬里圖

項叟聖謨子京之孫自号胥山樵曹侍郎浴領藩東與叟作長江萬里圖送行深得古人筆法

崔子忠陳洪綬人物最瓌奇仕女天然窈窕姿
弟子描摹失師

法盡調鉛粉畫東施

王五

崇節

谿山擅平遠周郎

之恒

窠石亦清真兩君人物兼臻

妙未許南人笑北人

王宛平人周臨清人

巨幅鸞凰細草蟲長留風露濕花叢
時人罕覩藕漁筆止說

王郎武憚老

壽平王長洲人

工憚武進人

新栗山園露早梅相邀好兄弟及此共深杯

梅蒙大淵獻

二月二十日

灣頭新柳碧遙遙猶記停舟舊板橋一自花時葬西子年年風雨是今朝

論畫和宋中丞十二首

阿儂舊住非溪北天籟閣中曾數過記得千金紈扇冊童時

一日幾摩挲

項氏家藏千金帖有三一為唐雙鉤萬歲通天帖一為淳化閣帖初拓本一為唐宋人畫紈扇居多

界畫樓臺膽未豨棘鍼花鳥亦難嫻昔賢往往妙遊戲不了

樹枝沒骨山

狡僧紛紛偽亂真巧勺楮墨傳灰塵誰知神物歸藏弄千載依然色斬新

談藝何人公道存每因憎愛味昭昏不應唐沈同時在吳偉翻呼畫狀元

隱君趙左僧珂雪每替容臺應接忙涇渭淄澠終有別漫因

題字槩收藏

董文敏疲于應酬每倩趙文度及雪公代筆親為書款

胥山樵叟畫亦殊得錢多寡分精麗少年身後休嗤點不見

長江萬里圖

項叟聖謨子京之孫自号胥山樵曹侍郎容領潘東與叟作長江萬里圖送行深得古人筆法

崔

子忠 洪綬

人物最瓌奇仕女天然窈窕姿弟子描摹失師

法盡調鉛粉畫東施

王五

崇節

谿山擅平遠周郎

之恒

稟石亦清真兩君人物兼臻

妙未許南人笑北人

王宛平人 周臨清人

巨幅鸞鳳細草蟲長留風露濕花叢時人罕覩藕漁筆止說

王郎

武 壽平

王長洲人 王武進人

先子韶年寫雲壑當時心折董尚書後來舍弟亦能畫可惜

都無片紙儲先母唐儒人董文敏之甥也文敏見先人畫謂人曰不出十年可以亂吾真矣舍弟昇鑒能詩畫早卒

白下錢唐畫作林殘山剩水樹無陰若令此輩流傳遠不合

良工苦用心

退翁孫侍郎承澤倦叟曹侍郎嗟淪沒吳客雌黃詎可憑妙鑒誰能別

苗髮謂宋公暨闕撫十公也時難得兩中丞

罷官臥荒村戶外可羅雀秋風攪庭梧意況劇蕭索凌晨屋

山頭爭噪兩乾鵲須臾名刺來有客款門關披衣出迎客矯

若雲中鶴南州名父子文采何照灼往偕副都公同聽清禁

鑰神羊冠獨我虎僕毫載索正色立朝端吐論蹇而諤但為

鳳回翔不事鸚擊搏循陔請終養忠孝兩無忤俄焉梁木壞

吾黨失矩矱僉云令嗣賢翰墨麗金腹茲焉接丰采心路快

一淪索文表墓道於義無可卻昔人重碑版論文不論爵後

來世俗愚但取官顯燦縱然頭銜長往往詞冗弱鉅公即能

之亦復多偽託誰歟辨真贋止解速鐫鑿遂令賢達人罕載

金石略稽古墓銘工昌黎最凌遼柳李揚餘波屹立鼎鎗脚

穆修行流派士子表東洛文公成公後軌範漸刊落姑蘇王止仲作墓銘

舉例於唐取三家韓柳暨李習之於汴末取十家歐陽永叔尹師魯曾子固蘇子瞻王介甫陳無已黃魯直晁无咎陳了翁於南渡取二家朱仲晦呂伯恭也

黃鐘屏弗考細響賞牛鐸凡聾互標榜羊豹聯一鞞舉世逐

聲聞孰肯叩寂寞君家好兄弟蓄意勤且恪別來再致書邀

我踐宿諾各賦詩一章體製極雄博纏緜思無盡繹繹絲在

篋參差瓊樹枝爛漫棠棣萼神鷹乍脫鞴天馬初卸絡書蹤

逼褚薛句法壓盧駱珍物貽頻仍一一刮眼膜香杭包綠蒲

芥片裹青箬駝駝軟勝絲翠織暖逾貉異錦掉鯨魚明燈綴
珠箔愧乏英瓊瑤何以報金錯緬惟副都公九京不可作吾
衰筆力短兼苦文思涸盛美豈勝書經月橐乃削雖非黃絹
辭陳言務埽掠以之勒豐碑觀者或摹拓采撫入琬琰異日
上史閣庶幾身後名藉以慰冥漠春山采茶候風煙想一壑
當浮太湖船直抵洮濁泊一登君子堂歡言共絃酌

喬孝廉崇烈

居父喪每泣則庭烏盡下禹鴻臚為畫

餉烏圖率題三首

烏烏啞啞東西樹子得食子哺其父于思于思淚如注惜烏
尚有反哺時塊獨筑筑守丘墓

烏烏啞啞樹東西迴翔上下不得棲飢來肯啄庭中泥日食
孝子一溢米壘廬共爾長悲啼

烏烏啞啞尾畢逋誰其傳寫禹鴻臚張徐王趙世所無天哀
孝子降黃玉留此作配雌雄圖

雨舟聯句

山行未淹旬曰歸歲已晏吳江徐鉉電發晨發菴東西疾風吹四
面羸尊俄頃雲溟濛急雨雜飛霰鉉寒木聲怒號衝波勢撇
旋羸尊舟師劃柔櫓迸力與水戰鉉有如士先登賈勇色不
變羸尊重湖乍超越小舫乃利便鉉回看許山橋亭亭樹葱
蒨羸尊沿流沂木瀆峰頂豁僧院鉉鈴傳越來溪傑響吳別
殿羸尊陳跡且莫悲執友情所眷鉉將尋二棄堂葉寶應堂營
別業橫塘二
棄其齋
名也庶幾共游衍羸尊詎期冬潦收水淺石盡見鉉舟膠
不能前我躁子煩情羸尊聯吟倚蓬牕翦燭炙冰硯鉉安得
胥口潮盤椒及家宴羸尊

秀水 朱彝尊 錫鬯

古今詩十卷

黍兆困敦

耳疾示王周二上舍

我齒未七十恒苦兩耳充患此已三年入秋輒內証始焉輪
濕濕既乃氣燼燼牀下駭鬪牛門前失吠絨有如兩豆塞難
使五藥攻因之日靜坐物理究初終是非始聽聞發聾將安
窮屬垣第自苦察察爾何功讒柄變白黑治道渚汚隆君
于天地閉小人地天通世事付一瞶葆我以太冲免憎喪也
雷免驚擯鷓鴣風人勞我則逸美疲于我躬相法十七家不容
麥者豐豈況若封丸泥寧非富家翁比鄰有二子相憐病適同

裴如顧我笑子論詎發蒙耳者心之候其穴名聽宮其神字
幽田其用在司空子今勤著書不異五經筒有時議紛綸講
席相磨礪說詩匡丞相解經戴侍中無人爲畫字子將焉折
衷主人作而歎何術返我聰客云古方法社酒能治聾來朝
海燕歸陌上賽社公伐鼓聲淵淵割肉飽蓬蓬吾儕試往祈
泥飲等啜虹按節舞麗娟安歌走明童三人共顧曲其樂也
融融

初夏重經龍洲道人墓三十二韻

亭亭馬鞍山產石光瑩瑩其東勢磬礮竹柏翠相映劉生昔
栖遲於焉日吟詠生耽巖壑幽死愛水木淨要
不陷俗窅一棺抱山阿勝夾兩婢媵傾崖屏荆
鷲旣鮮堯豎侵亦免菜畦蝗乃知斯丘樂匪藉

心義
絕鷲
訂我思

南渡後思陵失其政謀夫多去國魏公執兵柄幕府盛賓僚
子弟談性命棄師累十萬三敗無一勝肆將功罪淆第許心
術正猛將反先誅豈惟一檜橫哀哉小朝廷自此和議定金
繒括脂膏臣妾費辭令忍忘君父讎寧計蒼生病過也大布
衣慨慷本天性好游或渡江嗜酒數中聖議論辛陳間恥與
餘子並歌詩存十卷卷卷氣雄勁靜夜思中原往往血淚迸
厥後詣闕書何減諍臣諍庶幾國士風合古之儒行我來百
世下適墓必生敬三年兩經過涼燠感時興番番玉山叟
文史廣援證思復東齋祠暇日便眺聽奠以椒桂漿闢此齋
甍徑誰與能好事率錢表名姓遺文并雕鏤足以播遙奠
曝書亭偶然作九首

拓得園基一百弓閒來樹底逐雞蟲埽除蝗菜下鴛粟亟命

畦丁修水筒

坨南宜得翠筠看上番移來近百竿昨夜疾風吹拔木老夫
差喜竹平安

蜻蜓翅丹蝴蝶黃白露滿園秋草長靜聽桑斧斫叢棘忽露

一株巖桂香

蒲萄前濃注酒餅酒闌荷葉香滿汀新涼枕簟不妨設時有

北風吹我亭

槿花本與佛桑同也向籬邊吐白紅試待來年根盡活編成

著色短屏風

雨裏芭蕉風外楊水中菡萏岸篔簹衰翁愛植易生物不願

七年栽豫章

移橙種橘計蹉跎一箇茅亭草蔓多輸與城隅譚給事花時

處處有行窩

縮版誅茅事偶然修門見說此亭偏須知庾信園雖小詩賦

江關獨易傳

平泉花木遠爭移金谷繁華盛詠詩淪落栖遲杜陵叟何人

尚寄草堂貴

斑魚二十韻

吾衰薄滋味意不在梁肉第苦藜莧羹精力易消縮以茲盤
中饌往往供水族持螯疑蟛蜞握鱸近蚶蜆可怪黿脂垂生
憎鱸尾蠹所欲庶其魚又無取乾鱸河豚昔最嗜恒用井華
漉塵遠烹於庭血去抉其目刈楚然豆萁務候湯火熟瓊乳
將西施但恨不盈匊誰能罷饒叔對此食指搐自從十年來
不敢恣口腹醜毒安可懷災生慮薄祿斑魚乃具體秋深出

洄洑小大雖云殊一氣同化育其形亦彭亨其性齊忿惱此
時釣魚師香餌素所畜篲篲三竹竿編簿坐踰伏垂綸朝且
弱沉鈎曲而復有時十數輩戢戢歸罟麗安砧剖瓜刀汲水
浮柿木於焉救中廚慎勿覆我餗排泥剔其羽起肝淘以麴
法使甘不噉瑩白類新沐和之以蟹胥其汁轉濃郁既異齒
鏤鄧兼免愁慘黷因思膳夫經珍未窮水陸設繪姜侯曾思
鱸張翰獨俊味恥自贊有客至不速亟須問前村侑以酒一
斛

題汪上舍讀書圖

朝看牧豕助邊儲暮見爲郎擁傳車勸爾須拋兔園冊世間
風漢乃耽書

山陰客舍題高布衣蓴鄉釣師圖二首

蛤蜊菰葉橫塘曲細雨斜風西塞山爭似蓴鄉好秋色輕舟
容與水雲間

愛餐花港雞頭菜更采湘湖雉尾蓴踏浪綠流無不可只休
驚起浣紗人

顧明府

培元

載酒邀觀三江閘

一舍三江閘輕舟度幾灣蕭疎何限樹平遠不多山小管聲
聲急深杯戶戶豚賢侯有高興未許夕陽還

壽孟叟

最愛鑑湖好秋山百里青君家秋山下遶屋泉泠泠黃菊樹
百本翠濤開幾餅玉顏長可駐不藉蕊珠經

贈牧上人

我客柘湖曲上人來叩關欲浮清淮浦直渡黃河灣霽雪亂

塔寺夕陽平坡山五茸春草綠一舸望南還

強國赤奮若

萬年藤杖歌贈尤檢討

詞

我有天台萬年藤持贈吳下遂初翁想當李明柏碩迹未到
此藤久已生山中偶然拾自金庭宮攜歸曉夜但拂拭重之
不異長生桐翁昔史館文最雄南狐東馬卓有前賢風即如
詩篇也壓蕭范陸長城笑把偏師攻歐陽黃九柳秦七新詞
往往傳歌童翁今歸來雙耳聰曆頭六十更二十顏貌却如
四十同況有才子籍早通兼珍之膳潔且豐人生快意亦已
足豈必入海求方蓬西堂日煖花滿櫳楊梅漸紫櫻桃紅翁
來期我花下酌清晨扶杖葑門東繭紙戢戢抽詩筒看翁游
覽興未窮水循練瀆山宮窿長松樹底芝草叢四方上下與

翁逐杖子杖子藉汝功

寄蘭溪葛廣文

飛菱挽粟各喧闐散吏何如葛稚川百斛金華新酒熟醉尋
桐柏觀中眠

趙贊善以新詩題扇見懷賦荅

儲端鎖院各收身同是承明放逐臣遠憶音塵千里月來尋
鰕菜五湖春閒教花底安碁局笑比紅兒狎酒人縱說卜居
猶未定幾曾憔悴等靈均

附原作

益都趙執信

江村水樹澹秋煙不見幽人思悄然往接簪裾三殿側近
聯蹤跡五湖前老為鶯脰漁翁長閒上鷓尾估客船各有
彈文留日下他時誰作舊聞傳

竹垞在長安
著曰下舊聞

雨過馮檢討葑水園四首

蘭成小園在東哲近游頻夾巷千花續編籬六枳勻葉低斜
曳杖石礙曲勾身正值黃梅雨蹣跚著屐人

又見衡門改新看小閣添海榴橫濕戶楚雀近窺簾曲直分
沙溜參差露塔尖重過轉瀟灑村郭意能兼

高柳微風末新荷驟雨中竹扉經歲別茶月一尊同盡得齊
民術何殊避俗翁菱田知可拓小舫後時通

我亦歸田久開門近水灣縱移花百本并少屋三間對此增
惆悵何緣數往還煩君暇相過看積一房山

仙游茅筆歌酬徐檢討

鈇

君不用鐵梳梳秋兔毫亦不用束青羊毛別搜凡材逞妙技
鼠鬚虎僕非爾曹吾聞仙游郭外山最高仙人九鯉雲中遨

紫鱗三百二十四白蝦蟆吠黃雞號有時懸厓忽題科斗字
是豈不待人間操茅田深深野火燒未盡樵夫薨豎赤脚騰
礲熬拔茅連茹縛作將指節六寸之體兼頭尻桃枝竹罷火
熨帖鹿角菜免膏煎熬誰與智者勑此物將毋九何一范授
以刻髓之蘆刀垂虹亭長嗜奇癖一牀載得還吳艚分我一
管已足豪當其運腕大稱意筆頭公喜長堅牢人生知己隨
所遭良工對之但駭選足使李展汗走屠希逃

齶舫即事二首

破牕風雨濕書籤睡起明星忽在簷最喜蛛絲捎竹尾牽牛
花翠曉來添

秋老梧桐葉葉黃夜來風雨太顛狂分明了鳥牕深閉一片
何緣墮筆牀

九月八日滄浪亭懷古二十四韻

滄浪有遺亭勝蹟今始到疎籬六枳槌小徑一僧導古牆聳

寺樓暗水接官漕怪石長差肩平林或妨帽因而詣北碕歷

歷見房奧石枰雖無存宋毛珣滄浪亭詩濯纓人去水空寒事屬明時欲問難日暮客歸園館閉鷺鷥飛上石基

盤自注子美故物惟石枰存

草菴猶可造中丞我老友山水敦夙好於焉翦

榛芳復此濬潭隩暇日攜賓僚曾不擁牌纛春留露輜駐暑
便接羅倒畚田課耕稼浦禽恣啄抱游觀民胥悅豈弟神所
勞湖州謫司馬賦才本雄鷲詩逼梅歐陽文亦師訓誥賢相
所館甥孔壬生嫉媚舉事偶不慎眾口逞狂譟故紙錢區區
乃誣名士盜茲事近千年識者尚憤悞哲人貴自勝林泉遂
遐蹈南陽招不去止用尺書報雜花修竹間風月任嘲傲斯
人洵可懷曠世我心悼竭來謁祠屋思以渚蘋芼落景溪橋

還商飈遠吹滂

九日家中丞招集滄浪亭觀韓滂五牛圖復成二十

四韻

中丞掃亭館邀我百花洲遂度宛轉橋罷遠屈曲流綠溪尋
石磴九日升崇丘層層樓堞敞面面禾黍稠編籬釘圓菊密
坐軒牕幽同調二三子清言答綢繆樂飲貴適意豈必量觥
籌邦人許看客風帽盈牆頭移時官馬至畫卷載其尤示客
五牛圖真氣豁我眸晉公諳變理體物固能優郭椒丁櫟輩
飲降各自由宣和購遺蹟已詫不可求何期白石爛此圖翻
得留鷗波趙王孫重之若琳球再三跋卷尾小字工銀鈎畫
已經千春尚足藏千秋吾聞五穀言養民如養牛善牧臥其
背穩駕百斛舟驅使但排促安用施鞅韜昧者費三筆剔剔

恒不休吾公務廉靜化理臻六州里仁知斯宅不處古所羞
逝將歌碩鼠樂郊可遨遊

得張舍人靈皖口書却寄

六年不見張右史忽誦秦游一卷詩韓孟元劉無定格尤蕭
范陸有餘師歸逢鱖鮓堆盤日到及江花夾岸時試計合并
何地好須憑來鴈慰相思

寄賈黃州鈺

近聞南紀賈黃州到日題詩滿竹樓畫永清香凝列戟月明
赤壁愛停舟棘針花鳥真無敵水墨雲山不易求別後相思
意何限可能尺幅寄輕郵

題禹鴻臚號國夫人下馬圖

貌出風姿勝太真無勞粉翠費千緡如何南內淋鈴雨不憶

當街下馬人

又題

營風帶緩舞衣寬無復宮門驟曉鞍一事差羸杜陵叟畫圖
恣得近前看

乍浦

乍浦逼瀛壖孤城小於甕居民八九家僅足追飢凍邇來弛
海禁伐木運堂棟排空駕槽巢近水壓菱葑陶旒器本窳橘
袖包匪貢偶然資貿遷是豈足民用因而估舶多僻地乃喧
闐增竈遂成郭葺牆巧累空困隨郎罷載行歌雜囉噴我行
湯山椒比丘治蔬供為言弘正間紺塔翔鐵鳳苦海迷津人
遠望得無恐願乞長者文勝蹟復營綜我口默不言我心有
餘痛昔者嘉靖中狡倭肆狂縱實瞻寶相輪一針亂帆送幾

曾弓仗放但操兵刃弄離亂凡幾年室家始同夢坐起謝上人吾文未足重於時權舟還特為令長諷

謂知縣事王君瑋也

此事不

果行吾機偶先洞

題吳上舍菜根香圖

齊東老圃吾不如走馬却返長山居誓辭肥肉大酒社手握鶴頭鴉背鉏園官日日送菜把野客時時誇菊菹閒來插架散籤帙惟有秦餘種樹書

贈繆篆顧生

秦碑換棗木傳刻或失真詎若漢摹印小大皆可珍鑄金用撥蠟琢玉同運斤其文雖參差離合各有倫後人味遺製惟取字畫勻鐘鼎雜款識古法漸以湮顧生習繆篆頗見精力勤博采諸家體覽者多所欣一藝期至工必也醇乎醇請君

薄流俗專一師古人

題崔翥畫鳩

我愛臨濠崔子中輕綃畫出鸞鳩工枝頭淡染春晴色不著

山花一點紅

漕船

國家歲轉漕每船六百石官艙計所儲為斛千二百其初由海運險越虎蛟脊波濤恒簸蕩日月互跳擲所以造舟時不復算尋尺入明改從河水次盡置驛不見真州估浮江販豆麥縮之僅得半滿載未為窄安用萬斛寬邪許百夫役過牖逆上魚迎風退飛鷁臘開徂暑到久而蟲鼠咋惟以便輓丁夫婦得汎宅南去挾泉絲北來收果核誰為迂緩圖因循匪朝夕吾聞琴瑟敝絃者必更易國計在鼎司何時建良策

御風圖為魏坤題扇

渡海天王太崛奇出關老子苦驅馳未如拔地乘風好萬里
雲山恣所之

題蔡徵君方炳著書圖

先生忠孝門早歲力埋照逃名名愈隨祇緣筆舌妙中年中
柴車起應鶴書名人多留蹠塵君乃返蓬藿立意在千秋肯
貽北隴笑淵源訂伊雒圖書衍周邵其言明且清削繁領其
要今已七十餘行不藉藜篠請觀息關圖鈎膝但坐嘯淙淙
石罅泉丸丸松頂嶠山宜題六聘洞可亞三詔著書早晚成
先以語同調

題李秀才琪枝畫梅

平生冷笑林君復活剝江為兩句詩畫到影疎香暗處始知

一字可稱師

贈王叟一首

近來山水尚元人南渡諸公法漸淪惟有王郎嗜奇古將無
馬遠是前身

畫家平遠最難工三板輕船片席風不數當年宋員外瀟湘
煙雨滿圖中

張處士釣風圖

漁師蟹舍近西泠露草風楊岸岸青我亦年來撐釣艇秋花
却少研頭餅

青浦道中

不識三高士松門第幾峰潮回黃歇浦草滿陸機葑細雨春
歸鴈深山日暮鐘坐看城郭近猶是水雲濃

五雜組九首

五雜組刺繡文往復還金車輪不得已見貴人
 五雜組染布帛往復還度阡陌不得已逢熱客
 五雜組神鬼面往復還翻飛燕不得已交情變
 五雜組霜林葉往復還圍碁劫不得已零丁帖
 五雜組鳳尾羅往復還機中梭不得已勞者歌
 五雜組裳衣袴往復還錢刀布不得已付質庫
 五雜組車中果往復還江上舸不得已杭城火
 五雜組徐州土往復還真州估不得已宿淮浦
 五雜組裝潢手往復還媒妁口不得已飲甘酒

曝書亭集卷第十七

第35657号

平成 3.11.22

聖和學
園短大
圖書館

928

11

5

卷	第	一	章
第	一	節	第
第	一	條	第
第	一	款	第
第	一	項	第

趙

